

1375 ROCHAS (Henry de), sieur d'Agglen.
Nouvelles démonstrations, pour cognois-
tre la cause des fièvres intermittentes et
continues; dysenteries, dyarrhées, lym-
teries, et tout autre flux de ventre. Avec

un ample et assuré pronostic sur cha-
cune d'icelles, et les remèdes spécifiques
pour leur guérison. *L'Auteur*, 1645, pet.
in-8, 1/2 veau marbré (437) 30 fr.

Henry de Rochas, qui fut conseiller et mé-
decin du roi Louis XIII. est fort connu pour
ses merveilleuses cures par ses eaux miné-
rales. Ce petit recueil de médecine spagy-
rique est l'un des plus curieux que nous pos-
sédons, sur les diverses fièvres et les mala-
dies des voies digestives. Les nombreux
exemples de guérisons que rapporte l'auteur
montrent l'excellence de ses remèdes et de sa
méthode. — M. R.



NOUVELLES DEMONSTRATIONS,

Pour cognoistre la cause des Fié-
vres intermitantes & conti-
nuës, Dysenteries, Dyarrhees,
Lyenteries, & tout autre flux
de ventre.

Avec vn ample & assuré Pro-
gnostic sur chacune d'icelles,
& les remedes specifiques pour
leur guerison.

Par HENRY DE ROCHAS Escuyer,
sieur d'Agglan, Conseiller & Medecin
ordinaire du Roy.



81355

A PARIS,

Et se vend chez l'Auteur, rue Baillet, qui traverse
de la Monnoye à la rue de l'Arbre Sec, proche
l'Eglise S. Germain de l'Auxerrois.

M. D C. XLV.

AVEC PRIVILEGE DV ROT.

NOUVELLES

DEMONSTRATIONS

Pour connoître la cause des Fiè-

Vres intermittentes & conti-

nues, Dysenteries, Dyssenteries,

Fièvres, & tout autre

de fièvre.

Avec un ample & assuré Pro-

gnostic sur chaque diète.

& les remèdes les plus sûrs pour

leur guérison.

PAR M. J. DE BOCHAS, Médecin

à Nîmes, & à Montpellier.

À Paris chez M. de la Harpe.



A PARIS

chez M. de la Harpe, Libraire, au Palais National, sous le Vestibule.

chez M. de la Harpe, Libraire, au Palais National, sous le Vestibule.

chez M. de la Harpe, Libraire, au Palais National, sous le Vestibule.

M. D. C. C. L. V.

chez M. de la Harpe, Libraire, au Palais National, sous le Vestibule.



MONSEIGNEVR
MONSEIGNEVR

DE
BASSOMPIERE

MARESCHAL DE FRANCE

COLONEL GENERAL

des Suisses, Cheualier des or-
dres du Roy, &c.



MONSEIGNEVR,

*Je n'esleue iamais ma
pensée iusques à vostre Grandeur,*

EPISTRE.

que ie ne me souuienne de ce prouerbe si commun en la bouche de tous les hommes ; Mais qui ne s'est trouué accomplý qu'en vostre seule reputation: les acclamations des François à publier vos loüanges, monstrent bien que vous auez la voix du Peuple: & les qualitez heroïques dont le Ciel a fait amas en vostre personne, témoignent assez que Dieu vous a donné sa voix. Certainement auant l'effet de l'astre favorable qui presidoit à ma naissance, auant dis-je que i'eusse l'honneur de vous aborder ; Je vous considerois avec apprehension ; mais depuis que vos bontez ont dissipé ma crainte, ie ne vous regarde plus qu'avec des ravissements, & mes yeux demeurent tous esblouys : Aussi vous estes MON-

EPISTRE.

SEIGNEUR, le brillant Soleil
 de la Cour: Elle n'est éclairée &
 embellie que par les rayons de vos
 vertus: sans vous ce ne seroit qu'un
 nuict éternelle: C'est le feu de vo-
 stre exemple qui anime où eschauffe
 les courages: & c'est vostre reuerbe-
 ration qui donne de l'esclat & faict
 paroistre les plus accomplis d'un
 temps. Bref vous avez tant & de
 si hautes perfections, qu'il n'appar-
 tient pas aux mortels de les expri-
 mer; la moindre de vos actions dit
 bien plus que ne feroit l'éloquence en
 toute son estendue; C'est pourquoy ie
 me contente d'estre dans l'admira-
 tion de vos merueilles, & ne veux
 pas que ma langue soit criminelle
 de les prophaner; mais si elles iettent
 de la confusion & de la timidité à

EPISTRE.

ceux qui vous approchent MON-
SEIGNEUR, Il ne faut que
les attraiets de ceste charmante
courtoisie que vous employez avec
tant de grace, pour inspirer de la
hardiesse, & ravir tous les cœurs.
Et ie ne puis m'empescher de dire
qu'elle a gagné le mien, c'est à sa
persuasion que ie vous offre cét œu-
ure si peu digne de vos merites, ma
faisant esperer qu'elle luy obtiendroix
un accueil aduantageux aupres de
vous, aussi bien que le pardon de ma
temerité: C'est elle enfin qui vous
fera agreer ce Traicté des Fièvres
& autres maladies populaires.
L'aduouë que c'est une verité toute
nuë, & despoüillée des ornemens de
la Rhetorique. Mais de qui les
pouuoit elle attendre que de vostre

EPISTRE.

Nom ? duquel ie l'ay osé enrichir,
afin que vous daigniez souffrir. que
elle se iette à vos pieds MON-
SEIGNEVR, pour vous de-
mander protection contre l'enuie où
l'ignorance qui la voudroient perse-
cuter. Je vous la presente avec une
profonde humilité, & la sacrifie sur
vos Autels, comme les vœux,

MONSEIGNEVR,

De

Vostre tres-humble &
tres obeysant seruiteur
DE ROCHAS.

F P I R E

Voilà donc le bon et le mal
qui se trouvent dans le monde
et se sent à nos pieds. M O N
SEIGNEUR, pour vous de-
mander protection contre l'ennemi en
l'ignorance du bien et du mal
seigneur, seigneur, seigneur, seigneur
seigneur de la terre, de la mer, de l'air
seigneur, seigneur, seigneur, seigneur

SEIGNEUR

De

Votre humble &
obéissant
DE ROCHAS

PREFACE.

IL ny a personne qui puisse nier, que la santé & la maladie, ne soient le bon & le mauvais destin qui rend nos jours heureux ou misérables; puis que ceux qui sont favorisez du premier, sont contens parmy les aduersitez & les afflictions, où pour le moins ils en doivent modérer les resentimens & en adoucir l'amertume & la violence. Il est certain qu'après le respect que nous devons au tout Puissant, nous ne devons auoir rien si cher & si précieux que la santé, de laquelle estant depourueus, les honneurs, les richesses, & toute sorte de delices, ne scauroient apporter aucun contentement, ny rendre la vie supportable.

P R E F A C E.

C'est pourquoy n'ayant point d'autre but dans mes traualx & dans mes escripts, que de donner des moyens pour se preseruer des tourmens de l'vne, & des aduis pour la conseruation des plaisirs de l'autre, ou des facilitez & assurances pour la retrouver lors qu'elle est perdue. J'ay creu que le Public receura tres-volontiers ce fruit de mes labours, comme vne preuve de mes affection, puis que ie ny recherche point d'autre gloire que celle de procurer les aduantages, en instruisant les ignorans & faisant part aux doctes & curieux, des lumieres que Dieu a descouuertes a mes peines & a mes continuelles estudes, par lesquelles ie me suis acquis plusieurs grandes cognoissances pour la guerison des infirmittez iuuantes & autres. Mais par ce que les Fieures sont les plus communes & frequentes maladies, ie me suis particulierement occupee a rechercher vne methode extra-

P R E F A C E.

ordinaire, pour les bannir en peu de temps, & preuenir les perils qu'elles ameinent trop souuent, à la ruyne des malades, & à la honte de ceux qui les traictent: c'est pourquoy j'ay destaché ceste piece icy de ma Physique, pour la reuoir & augmenter de plusieurs belles remarques & enseignemens tres-necessaires. *ἵσθι ὅτι καὶ οὗτος*
ἔσθι l'espere donc que ce petit ouvrage ne trouuera pas moins d'apptobation que mes precedens escripts, puis qu'il ne sera pas moins vtil & veritable. Ce n'est pas que ie me promette l'aplaudissement vniuersel, ie sçay bien que iamais homme ne l'a eu, non pas mesme le fils de Dieu, ie ne le pretends non plus pour ce liure: car il ne s'en est trouué que deux au gré de tout le monde, qui sont les Elemens d'Euclide & l'Alphabet. Pour les remedes chacun veut faire passer les siens pour les meilleurs; mais à l'œuvre l'on connoist l'artisanier,

P R É F A C E

pourueu que la raison cōduise le iugement, & que la verité ne soit pas enleuée dans les tenebres de l'ignorance, où cachée sous les artifices de l'enuie: qui font dire à plusieurs lors qu'ils voyent des effets merueilleux par de si promptes guerisons, que les remedes des Empiriques sont chauds & par consequent perilleux: & qu'il est impossible qu'une petite pilule faisant vne si grande operation, n'aye quelque chaleur trop violente: mais ceux la ne cognoissent non plus l'excellence de la Chimie, que l'etimologie du nom d'Empirique; ils disent qu'on appelle ainsi tous ceux qui empirent le mal: A quoy ie responds que ce terme n'est deub qu'aux Medecins qui sont fondez sur l'experience, sur laquelle ils doivent affermir leur sçauoir: C'est pour quoy on leur donne vne epitete recommandable, en pensant leur faire iniure, & les accabler de mespris: la fausse opinion que l'on a

P R E F A C E.

de leurs innocens remedes, se peut ay-
sément destruire, si elle n'est fomentée
par quelque passion. Il faut considerer
que les aliments de nostre nourriture
ne se conuertissent pas tous en nostre
substance : mais bien enuiron la cin-
quantiesme partie des plus exquis &
delicats & la centiesme des autres. Que
si la nature est debilitée par vne grande
maladie où autrement, elle ne peut cui-
re, digerer, où separer letres subtil, &
cette petite quantité de substance nu-
tritiue, qui est contenuë dans les ali-
ments ; c'est pourquoy l'on faiët les
bouillons, geles, restaurants, & tant
d'autres artifices pour soulager la natu-
re, en luy ostant la peine de faire ceste
preparation : Or comme toute la mas-
se des alimens ne nourrit pas, aussi tou-
te la matiere de la rheubarbe & autres
catartiques, ne purge pas, & je puis fa-
cilement contraindre les raisonnables
à croire ceste verité, en leur faisant ad-

P R E F A C E.

uoüer que la rheubarbe vieille où es-
 uentée ne purge point du tout, au con-
 traire elle est astringente, & mesme on
 la torrifie pour la donner à ceux qui
 sont affligez de la Dysenterie, Diar-
 rhée, Lyenterie, où autre flux de ven-
 tre : Mais n'ayant iamais trouué per-
 sonne qui m'aye sçeu dire la raison de
 cet effet : i'ay eu recours à l'expérience
 en ceste sorte, i'ay pris de la bonne
 rheubarbe le poids de trois dragmes,
 i'en ay donné le tiers à vn malade qui
 en a esté bien purgé, i'ay mis l'autre
 troisiésme partie en lieu chaud & sec,
 & la dernière dragme, dans son pro-
 pre vehicule où dissoluant, puis ayant
 essayé laquelle de ces deux estoit capa-
 ble de purger, la maistresse à qui ie me
 suis adressé a satisfait ma curiosité,
 & ma fait cognoistre que toutes les
 deux ne purge nullement : c'est pour-
 quoy i'ay fait euaporer sans feu, l'eau
 dans laquelle ma rheubarbe auoit in-

P R E F A C E

fusé, apres quoy j'ay trouué la qualité
 purgatiue au poids de trois ou quatre
 grains seulement, & l'ayant reduite en
 vne pilule, ie l'ay faict prendre à vn
 malade affligé de fièvre tierce, lequel
 a esté guery, par ce que la rheubarbe
 à la faculté ou vertu de purger la bile
 qui estoit la cause de ceste fièvre: né-
 antmoins ie puis asseurer le sçachant à
 l'esgal des plus experts, que trois ou
 quatre medecines de ceste drogue, en
 corps, & avec leurs syrops ou autres
 additions, n'auroient pas guery si
 promptement ny avec tant de facilité
 & d'assurance, parce que la nature
 n'auroit peu separer le subtil du gros-
 sier, avec tant de perfection: & d'ail-
 leurs que le sucre dequoy sont faicts
 tous les syrops, empesche l'action du
 purgatif. Mais ce n'est pas tout ie veux
 sçauoir qu'elle partie de ceste matière
 est purgatiue: car l'operation de quel-
 que mixte que ce soit, procede seule-

P R E F A C E.

ment de l'un des trois principes. Je cognois donc que la qualité purgative de la rhéubarbe, est un sel, puis que tout ce qui se dissout dans l'eau est sel, or est-il que l'eau où elle a infusé, s'est rendue purgative : mais par ce que ce mixte n'estant pas essent ne purge plus. Il faut conclure que ce sel est armoniac où volatil : car le fixe n'a point la faculté de purger non plus que le nitreux, ce n'est pas aussi son souphre, ny son mercure, comme la raison sera rapportée en son lieu, c'est assez de faire cognoistre icy, que la petite quantité des purgatifs est préférable à l'abondance : & conséquemment que les Empiriques ne sont pas dangereux, & qu'ils n'empirent point les maladies, ie n'entends pas sous ce mot, les charlatans & les ignorans qui en abusent ; ie parle des vrais Medecins qui sçavent guerir avec cognoissance de cause.



NOUVELLES DEMONSTRATIONS,

*Pour cognoistre la cause des Fièvres
intermittentes & continuës, Dys-
senteries, Diarrhees, Lyenteries,
& tous autres flux de ventre.*

DE S opinions diuerses
des Autheurs, ont for-
gé de si amples discours,
sur les différentes causes
& remedes des Fièvres: que si ie
voulois icy en rapporter toutes les
circonstances, outre que ie serois
importun au Lecteur, ie perdrois

inutilement beaucoup de temps.
D'ailleurs ie ne veux pas faire parler autruy pour moy : I'ayme mieux ne dire que ce que ie ſçay tres bien, que d'alleguer les incertitudes des autres; c'eſt pourquoy ie ne groſſiray point mes liures de larcins, d'oüir dire, de friuoles, ny allegations: mais ie me contente d'y exprimer naïfvement les veritez que i'ay experimentees depuis quarante deux ans que i'ay toujours trauaillé dedans & dehors la France: & les effets de mes labeurs certifiét que ce n'eſt point par vanité que i'aſſeure auoir guerry autant ou plus de toutes ſortes de maladies que perſonne de ma condition, & puis dire que Dieu a tellemét beny mes remedes iuſqu'à preſent que nul (au moins que ie ſçache) n'a ſujet de ſe repentir avec

raison de m'auoir employé, non plus que d'auoir adiousté foy à mes escripts, lesquels ne sont pleins que de mes experiences, & de ce que ie puis soustenir & prouuer par demonstrations.

Voila donc ce qui m'oblige à traiter icy seulement des Fièvres qui me sont cogneuës, estant bien assureé qu'elles sont toutes, ou en partie melancoliques, bilieuses, pituiteuses ou malignes. Or pour me rendre plus intelligible à ceux qui ne sont pas versez en l'vne ny en l'autre Medecine, i'vseray en ce discours des termes cogneus & vulgaires, ou au moins i'expliqueray ceux qui ne sont communément en vñage, pour dire que la Fièvre est tousiours excitée par vne chaleur contre nature. Pour bien entendre cela, & cognoistre

*Fièvres
diuerses,*

Leurs causes,

4 *Nouvelles demonſtr.*

la vraye cauſe des Fièvres, meſmes de toutes les autres maladies ordinaires. Il faut conſiderer que noſtre vie conſiſte en vne chaleur temperée, & tout ce qui n'eſt point temperé l'offenſe & la choque, ſoit qu'il tende à trop de chaleur ou de froideur. Ceſte chaleur temperée eſt auſſi appellée naturelle, qui entretient ſeule noſtre vie & noſtre ſanté, qui a ſon ſiege dans le ſang, qui le rend doux & amy de nature, c'eſt l'humide radical, l'ame & la forme aux animaux, c'eſt proprement leur principe de vie. Or comme il n'y a que la chaleur naturelle qui entretient l'œconomie & la meſnagerie de noſtre corps, auſſi n'y a-il rien qui la deſpraue & la deſtruiſe que la chaleur contre nature; & côme celle-là reſide avec le ſang,

*Qu'eſt-ce
que cha-
leur natu-
relle.*

*Qu'eſt-ce
que cha-*

De la cause des Fièvres. 5

celle-cy a son siege dans la bile leur contré nature.
acre, mordicante & caustique,
ennemie jurée de nostre vie. Hip-
pocrate dit que la Fièvre conti- 1. De Nat. hominis &
nuë, quotidienne, tierce & quar- 1. de mor- bi.
te, sont produites par le mouue-
ment de la bile.

Il faut aussi considerer double
chaleur naturelle, sçavoir vne fi-
xe & inherente en chaque partie,
celle-là est principalemēt leur vie, " Double chaleur na- turelle.
ayant son origine de nostre pre-
mier pere, laquelle est fomentée
ou réparée par l'autre, qui est mo-
bile & coulante, enuoyée du
cœur par les arteres, & composée
des esprits & de la plus pure & ex-
cellente partie du sang ainsi pre-
parée dans le cœur & les arteres,
comme le sang est faict de la plus
louable partie du chyle par le be-
nefice du foye & des veines, &

iceluy compoſé de la meilleure ſubſtance des aliments que nous prenons pour noſtre nourriture, ainſi élaboré par l'eſtomach & les veines meſaraïques. Mais comme le ſang, tant pur ſoit-il, ne ſçauroit nourrir les parties, ſi elles ne contenoient deſia ceſte vie ou chaleur que j'appelle fixe; auſſi la chaleur mobile, ſpirituelle & tres-ſubtile, ny pourroit pas eſtre receuë, d'autant que tout ce qui n'a point de vie eſt mort, & iamaïs les choſes mortes ne reçoivent la vie que par miracle, c'eſt à dire, par l'ordre du Createur.

Principe de Voila à peu pres l'origine & la
digestion. confection de la chaleur naturelle deſtinée pour cuire & digerer en l'eſtomach & autres ventricules tous les aliments qui leur ſont neceſſaires, faiſant vne tranſpiration

De la cause des Fièvres. 7

luaue, & sans aucune mordicatio,
& comme elle se compose de la
substance la plus douce des ali-
ments, l'autre au contraire se faiçt
de tout ce qu'il y a de plus acré &
mordicant, c'est à sçauoir de salu-
res, espiceries, & toutes autres
choses de haut goust, laquelle au
lieu de cuire & digerer les aliments
les brusle & les corrompt par le
moyen de leur humidité, & lors
faiçt vne transpiration chaude &
mordicante, laquelle incontinent
produit la Fièvre & plusieurs au-
tres grandes maladies: car ce qui
est bruslé s'appelle melancolie,
principe des Fièvres quartes, & au-
tres maladies de sa nature. Et en
eschauffant par trop, ou bruslant,
il se faiçt quantité de vapeurs au
cerueau, d'où se forment les ca-
therres, fluxions, rheumes, &

*Principe de
toutes les
Fièvres &
autres ma-
ladies.*

*Cause ma-
terielle de
Fièvre
quarte.*

*Catherres
& flu-
xions.*

8 *Nouvelles demonſtr.*

*Cauſe effi-
ciente des
Fieures
quotidien-
nes.*

*Gouttes,
Pierres,
Grauelles,
Vlceres.*

*Cauſe effi-
ciente de
Fieure
tierce.*

rheumatifmes , voire toutes les
maladies pituiteuſes ; puis ceſte
chaleur contre nature agiſſant
contre la trop grande quantité de
ceſte pituite avec les rayons plane-
taires de la Lune qui eſmeuent
tous les iours le cerueau , & ceſte
humeur flegmatique , l'un aidé de
l'autre , produiſent la Fièvre quo-
tidienne , c'eſt à dire , qui prend
chaque iour avec relasche.

Que ſi ceſte bile agit par ſa
propre force & quantité, elle pro-
duit les Gouttes, Pierre, Grauel-
le, Vlceres, Galles, Dertres, & au-
tres maladies douloureuſes : mais
eſtant aidée par les rayons plane-
taires de Mars , qui excitent tous
les deux iours la veſſie du fiel &
toute la bile , produit la Fièvre
tierce ; ſi elle agit contre la trop
grande quantité d'humeur me-

Iancolique avec l'aide des rayons planetaires de Saturne qui excitent en trois iours la ratte & toute ceste humeur, elle produit la Fièvre quarte: Si contre le sang elle l'eschauffe, & le faiet boüillonner, en le rarifiant, & l'enfle tellement qu'il presse & violente les veines, d'où procede la Fièvre continuë, quelquefois la pleuresie, & tant d'autres accidents, que ie serois trop long à les desduire.

Cause efficiente de la Fièvre quarte.

Fièvre continuë.

Finalement, si elle agit contre les esprits, elle produit la Fièvre que l'on appelle Ephemere, pour ce qu'elle dure seulement vn iour.

Fièvre Ephemere.

Tout ce que dessus estant bien consideré, il y a assez de matiere pour faire le procez à la bile, puis qu'elle est conuaincuë de tant de crimes, & qu'elle contient ce feu deuorant, principe de toutes les

Bile, cause de desordre en nostre corps.

maladies qui abregent nos iours: neantmoins il faut conſeruer la neceſſaire, & ne bannir ou chaffer que la ſuperfluë & l'excrementeuſe. Mais ceſte injurieuſe trouuera-elle point quelque Aduocat qui vueille plaider ſa cauſe, & appeller de ce iugement, pour en deſtourner la peine que nous luy voulons faire ſouffrir, en diſant que ce n'eſt pas elle qui fait tant de deſordes. Premièrement, que la pituite cauſe la Fièvre quotidienne d'elle meſme, ſanſeſtre excitée d'ailleurs? la bile de meſme faiçt la tierce par ſa propre qualité, ainſi des autres. Mais les Iuges équitables ſçauent deſia que la pituite, la melancolie & le ſang, ne ſont iamais agitez ny eſmeuz que par chaleur, qui faiçt plus ou moins d'operation ſelon le degré de ſa

force. Or est il que la chaleur naturelle ne faiët iamaïs des agitatiõs trop violètes, mais bien ceste bile tant ennemie de l'ordre : d'autant que ce qui a d'auâtage de chaleur est tousiours plus puissant en actiõ que ce qui en a moins. Il est certain que la nature n'a point d'agent plus vigoureux que le sel, & la bile n'estant autre chose qu'un sel resout, par les preuues & les raisons que nous auons desduites ailleurs, il s'enfuit qu'elle fait tous les desordres, c'est pourquoy il faut prononcer bien iugé mal appellé, & ne la nommer plus bile, mais premier mobile de vice, de malice & de desordre.

Voila donc la cause des principales & plus importantes Fièvres cogneuë en général, mais il faut rebrousser chemin pour les

reuoir vn peu plus exactement chacune en particulier, & commencer à parler.

De la Fièvre quarte.

ELle eſt ainſi nommée, par ce qu'elle retourne au quatrieſme iour, c'eſt à dire, qu'il faut compter pour vn le iour de l'accez, les deux bons de l'interualle, & le quatrieſme qu'elle reuiet. Il y a pluſieurs choſes outre les precedentes qui peuuent aider à produire ceſte maladie, comme la complexion, melancolique, naturelle ou acquiſe: la ſaiſon d'Automne ou d'Hyuer, la region froide & ſeiche, & le mauuais régime de viure: les ſignes pour la cognoiſtre, ſe tirent de ce que le patient eſt quaſi touſiours ſplenique, c'eſt à dire, que ſa ratte eſt dure, enflée

Cauſe materielle des quartes.

Signes.

& dolente: comme aussi les hypocondres à cause de quelques excrements retenus en ces endroits, qui font les grandes obstructions, la Fièvre commence avec froid & petite rigueur, en augmentant iusqu'à ce que le malade sent vn froid manifeste & vniuersel, son poulx est au commencement comme lié ou retiré au dedans, tardif & rare comme celuy des vieillards & decrepis, à l'augment de l'accez leger & frequent, les vrines blanches, & quelquefois espoissées, & tantost cruës, la Fièvre quarte est tousiours plus longue que la tierce: Au reste, son prognostic assure que celles d'Esté *Prognostis.* sont tousiours breues, mais celles d'Automne & d'Hyuer fort longues: toutefois elles n'esgorgent personne, & ne font point sonner

les cloches, pourueu qu'elles ſoiēt bien traittees: Elles gueriffent les Epileptiques ou ceux qui ont les conuulſiōs, & autres maladies pituiteuſes: Tout le plus grand mal qu'il faut craindre de ceſte maladie, c'eſt l'hydropiſie, qu'elle peut cauſer ſi l'on ſeigne les malades, ou bien à cauſe des obſtructions qu'elle produit, mais cela ſe peut éui-ter avec des bons purgatifs: ſi l'accez perſiſte à reuenir au matin, faut apprehender qu'elle ſe conuertiffe en quarte continuë, fort perilleuſe par la corruptiō du ſang melancolique.

Remedes.

Après auoir représenté la cauſe de ceſte maladie, les ſignes pour la bien cognoiſtre, & le vray prognostic pour en apprehender l'éuenement, il eſt neceſſaire d'auoir recours aux remedes qui la peu-

uent guerir : mais il y a plusieurs difficultez , car les autres maladies reçoivent presque tousiours guerison par vn mesme remede : & celle-cy la rencontre par diuers moyens , d'autant qu'il la faut iuger compliquée selon les heures qu'elle fait son progrez. Car ainsi que nous auons dit ailleurs, le iour naturel se diuise en quatre parties, sçauoir, depuis les trois heures apres minuiet iusqu'à neuf, auxquelles le sang est plus exalté pour mieux faire toutes ses operations, c'est comme le Printemps : mais la bile est plus forte aux six heures qui approchent le midy, par ce qu'alors le Soleil l'eschauffe d'auantage, comme l'Esté : la pituite faict son Automne depuis les trois iusques à neuf heures du soir. Et la melancolie a le reste de la nuit

*Diuision
des Fièvres
par les heures
du iour.*

*Cauſe de
Fièvre
quarte &
continuë.*

Remede.

pour ſon Hyuer : tellement que
fondé ſur ceſte veritable ſcience
confirmée par l'experience , ie
traitte la Fièvre quarte par ceſte
methode: ſi l'accez reuiet au ma-
tin , & qu'il perſiſte ou continuë
touſiours à la meſme heure , c'eſt
vn ſigne manifeſte que la melan-
colie ſe meſle avec le ſang , c'eſt
pourquoy apprehendant la quarte
continuë, ie purge pluſieurs fois la
melancolie avec ſon ſpecifique ou
menalaguogue de ma compoſi-
tion, apres ie donne quelque priſe
de mon Eau celeſte qui purifie
grandement le ſang, en éuacuant
tout ce qui le rend impur, ſoit par
les vrines ou par la ſueur, & cela
reüſſit preſque touſiours.

Que ſi la Fièvre arriue enuiron
midy, les accèz eſtans fort violens,
touſiours accompagnez de gran-
de

de chaleur & extrême alteration, cela faiet cognoistre que la bile excite l'humeur noire, notammēt aux melancoliques naturels, mais parce que la nature ne peut souffrir long-temps vne telle violence, il la faut secourir promptemēt, & purger copieusement ceste chaleur contre nature, puis doucemēt la melancolie, & apres vser de l'eau celeste qui purge tous les sels, ou alimēs de la bile par les vrines; que si cela ne peut guerir, ie me fers d'vn autre remede qui n'est pas de mon inuention, duquel personne auāt moy n'auoit trouué la raisō de son effect (au moins que iefçache) le remede est tel, qu'il faut jetter le patient inopinément dans vne bonne quantité d'eau tant qu'il en soit tout couuert, ou bien tirer vn grand coup de mousquet assez

pres de ſes oreilles, tant y a qu'il luy faut donner vne peur la plus ſurprenante que l'on pourra, afin de refroidir ou rabattre l'ardeur ou violence de la bile, de meſme que la preſence & le chant du Coq fait ſur la furie du Lyon, & l'homme du monde qui ſeroit le plus furieux & en colere, deuiédroit fort doux & moderé ſi on luy preſentoit le ſuplice ou autres perils éminens. Si l'humide aqueux ſe meſle avec la melancolie, les accez arriuent touſiours enuiró le ſoir, mais ils ne ſont pas ſi violents, ny avec tant d'alteratió, de meſmes qu'aux Fièvres quotidiennes : & á ceux qui abondent en flegme, il faut faire grand exercice, purger la pituite groſſiere, & condenser la ſubtile pour venir plus facilement à bout de la melancolie. Que ſi la

Fièvre surmonte tout cela, il faut appliquer de bonne Theriaque de Montpellier ou autre chose qui eschauffe puissamment entre les deux espaules vers la nuque du col, pour corriger la froideur de la pituite qui passe en cét endroit pour donner le tremblement vniuersel. Il y a encores certaines drogues vn peu caustiques meslees avec des aulx que l'on applique au poignet en forme de bracelet, ou de bague au doigt annulaire, lesquelles font par fois du bien, d'autant qu'elles violentent l'artere, excitent l'esprit vital qui est dedans, & procurent vn mouuement à toute la nature, autre que celuy qui estoit disposé par la melâcolie. Les odeurs violentes, comme celles du canfre & autres, excitent encores le cerueau, & le resuscillent, afin qu'il

reſiſte plus vigoureuſement aux
aſſauts de la Fièvre. Finalement,
ſi la Fièvre a ſon progrez enuiron
la minuiet, comme il arriue ſou-
uent aux melancoliques naturels,
les accez ont plus de longueur,
moins de violence & de chaleur,
parce que la cauſe eſt purement
melancolique & ſans meſlange:
c'eſt pourquoy l'eau celeſte la pe-
netre, mollifie & diſſout, afin
que le melanagogue la purge &
l'éuacuë plus facilement par les
vrines & par les felles: Que ſi la
Fièvre perſiſte nonobſtant cela, il
faut que le malade boiue dix ou
douze verres du meilleur vin qu'il
pourra trouuer, à cauſe que ce
breuuage a de la chaleur & beau-
coup d'humidité pour corriger la
froideur & la ſeicheſſe de la me-
lancolie: toutefois ce remede ſe-

roit contraire à celle qui prend à midy ou au matin, bonne leçon, & condamnation à ceux qui pensent guerir toutes sortes de maladies avec vn mesme remède, puis qu'il en faut plusieurs à vne seule, pour la guerison de laquelle ie n'ay iamais rien veu qui approche plus de la perfection que l'eau celeste, & le melanagogue cy dessus employé.

Les eaux minerales, ferrugineuses, ou les remedes qui en sont preparez, dont l'vsage est tres-facile & asseuré, peuuent beaucoup en ceste maladie, & avec l'ordre susdit, l'on a dequoy se promettre vne entiere guerison, pourueu qu'elle ne soit empêchée par la mauuaise influence de Saturne, ce que l'on peut facilement cognoistre & asseurer, si les

accez reuiennent tousiours à meſme heure, nonobſtant l'effect des bons remedes qui eſt diminué par ceſte influence: & ſi le malade eſt melâcolique naturel, il en fera plus long temps affligé à cauſe des grandes obſtructions que ceſte humeur entretiét. Nottez que les operations des ſuſdits remedes ſe feront plus fortes & vigoureuses, eſtans aidees par vn air pur, net, &
De l'Air. le plus ſubtil que l'on pourra, accompagnée de quelque chaleur temperée, car le froid ne conuiét point à ceſte guerifon, mais peu de perſonnes ſçauent faire ce choix. Et pluſieurs Medecins font de l'air comme des eaux minerales, qu'ils ordonnent ſouuent ſans en cognoiſtre les facultez & les vertus, lors qu'ils ne peuuent plus rien à la guerifon d'une maladie, l'vſage

des eaux, ou le changement d'air, leur seruent de pretexte pour se ^{sçavoir, si il est humide.} deffaire des malades en les en uoyant au loing. Or est il que nul auant nous n'a cogneu la raison pourquoy les eauës minerales font tant de belles cures, & ne manquent iamais, pourueu qu'elles soient bien appliquees: Mais ces Messieurs les ordonnent toutes indifferemment à toutes sortes de maladies, & presque tous font ainsi de l'air, enquoy il se passe de grandes fautes à cause de l'erreur que la commune creance reçoit pour maxime veritable, que l'air est plus humide que l'eau, & vn peu moins chaud que le feu, maxime fabriquée dans la vanité de l'imagination qui produit l'erreur, & que l'on ne sçauroit demonstrier pour y trouuer la verité: car si l'air

eſtoit pluſ humide que l'eau, nous pourrions dire que les oyſeaux nagent mieux que les poiſſons, & nous aurions tort de tirer nos linges de l'eau pour les ſeicher à l'air.

Tout ce qui humecte d'auantage doit eſtre eſtimé pluſ humide que ce qui humecte moins. Or eſt-il que l'eau humecte, & mouille ſans comparaifon pluſ que l'air, donc l'eau eſt pluſ humide que l'air.

Que ſi l'air eſtoit pluſ humide que l'eau, il eſt à croire que l'élément du feu (ſ'il y en a vn) l'eſchaufferoit, puis qu'ils ſont ſi proches voiſins, & pouſſeroit grande quantité de vapeurs contre les deux éléments inferieurs, leſquelles rencontreroient celles qui ſont excitées d'icy bas, tellement qu'à leur rencontre elles feroient

Vn beau & ordinaire tintamarre, car elles n'auroient aucun lieu de repos, d'autant qu'elles seroient poussees de tous costez, & contre l'ordre des choses naturelles. Or est il que ceste confusion n'arriue iamais.

Concluons pour ce sujet que si l'air estoit plus humide que l'eau, nos artifices hydroliques les plus admirables, lesques font leurs plus belles operations par le moyen de l'air, seroient autant de peines perduës : nos fusces ne monteroient pas si haut, tous nos artifices à feu seroient inutiles, parce que la poudre ne s'allumeroit point d'as l'humide, & nostre feu domestique de nul vsage, donc l'air n'est pas plus humide que l'eau. La chaleur que l'on luy attribuë ne luy appartient non plus : car s'il estoit chaud, le

boüillon de l'eau ou autre liqueur ne s'arreſteroit pas comme il faiët lors qu'on le deſcouure ; l'on ne trembleroit pas auſſi en ſortant de l'eau quād l'on vient de ſe baigner à la riuere, & ie puis aſſeurer qu'il n'y auroit iamais de pluye, parce que les vapeurs humides ne ſe condeſcent que par le froid, comme il ſe void manifeſtement par la diſtillation, ou la chaleur que l'on diſpoſe au deſſous de l'alambic, rarifie les parties qui en ſont capables, & les enuoye au haut du vaiſſeau qui eſt la region froide, où les vapeurs s'époiſſiſſēt, & ſe conuertiffent en gouttes qui tombent dās le recipient, tout de meſme que les vapeurs qui s'eſleuent en l'air, lequel les condeſc par la froideur & les conuertit en pluye: Mais ſi l'air eſtoit chaud, elles monteroiēt

toujours, & se rarifieroient, comme elles font lors qu'elles sont poussees du Nord froid au Midy chaud. Et la pluye est plus ordinaire quand les nuës sont poussees par le vét du Midy. Que si le contraire arriue, ie sçay bien qu'environ le Solstice vernal il pleut & neige de tout vent, parce que lors toute nostre regiõ est froide: Mais aussi ne pleut-il gueres d'aucun vent environ la S. Jean, parce que les chaleurs sont excessiues, qui rarifient les vapeurs; tant y a que si l'air estoit chaud de sa nature, nous ne sçaurions durer au temps & aux lieux où les rayons du Soleil l'eschauffent encor, & sur cét erreur est fondée l'opinion de S. Augustin, qui croid & assure là dessus, que les humains n'habitent point entre les deux tropiques: & neant-

moins l'experience nous monſtre qu'il y a autant ou plus d'habitans en la Zone toride qu'en aucune des autres, à cauſe que là & par tout, toutes choſes ne ſont rafraichies que par l'air, teſmoings les ſoufflets & les eſuentails. Or comme l'erreur ne vaut pas mieux pour eſtre ancienne, ainſi la verité ne doit pas moins eſtre bien receüe pour eſtre nouvelle, en voicy vne tres éclatante qui n'a point encore paru, laquelle neantmoins doit auoir place honorable dans l'eſprit des ſçauans, curieux & raiſonnables. Que l'air ne peut iamais eſtre eſchauffé que par les rayons planétaires du Soleil, & quand il a mediocrement de ceste chaleur, comme au Printemps, il diſſout les choſes qui le doiuent eſtre, excite la forme & les eſprits des mix-

De la cause des Fieures. 29

tes afin de causer les generations,
& les plus belles operations de la
nature, moyennant la disposition
des matieres.

*Cause des
generatiōs.*

Que s'il a trop ou excessiue-
ment de ceste chaleur, comme en
Esté il éuapore ou exale tout ce
qui en est capable, & cause l'ari-
dité ou seicheresse ennemie des
generations & productions: exci-
te aussi les esprits avec trop de vio-
lence, d'où s'ensuit vne grande
confusion.

*Cause d'a-
ridité ou
seicheresse.*

Mais si l'air est tout à fait destitué
de ceste chaleur cōme en Hyuer, il
resserre, condense, & congele tout
ce qui le peut estre: empesche &
arreste l'operation des esprits, d'où
s'ensuit la glace & autres opera-
tiōs du froid, donc l'air n'est point
chaud de sa nature.

*Cause de la
glace.*

Excuse Lecteur si ie me suis vn

peu trop arreſté en ceſte digreſſion, car ie me delecte à combattre les erreurs, & en ceſte qualité ie te feray voir dans le triomphe des veritez philoſophiques (auquel ie trauaille) qu'il n'y a point quatre éléments, & que la combination des qualitez qu'on leur attribué eſt tout à fait chimerique, tu y trouueras par raiſon & verité que l'air n'eſt pas vn élément de compoſition: mais bien d'vſage ſi abſolument neceſſaire que nul ne peut ſ'en paſſer, ſeulement quatre ou cinq minutes d'heure. Ce liure contiendra auſſi la vraye anatomie des éléments & de tous les mixtes: & pour ornements à ce triomphe, ie donneray tous mes ſecrets avec mes experiences, afin qu'il te ſoit plus agreable, & comme le triomphe eſt touſiours la

fin & le fruit de la guerre, celuy-cy sera la fin de mes escrits, & le fruit de mes labeurs.

Reuenôs à nostre sujet pour dire que les aliments des quartenaires doiuent humecter afin de molli-
fier ou dissoudre les humeurs vis-
queuses qui font les obstructions,
il faut donc vser de bon pain, bon
vin blanc avec moitié d'eau,
bouillons de mouton, volaille,
veau, poulets, &c. mais il ne faut
gueres manger au iour de l'accez,
& tousiours fort sobrement: quel-
que mediocre exercicé aide sou-
uent à ceste guerison, comme aus-
si le repos ou dormir de cinq ou
six heures la nuit, tenir le ventre
lasche, & sur tout éuiter les acci-
dents de colere, chagrin, & de
tout ce qui peut violenter l'esprit,
sur tout faut mesnager l'vsage, la

qualité & la quantité des alimēts, c'eſt pourquoy il ne faut manger qu'au beſoin & aux heures neceſſaires, par ce que l'appetit ne vient gueres qu'après la diſteſtion des precedents, l'employ du ſubtil en nourriture & l'éuacuation du groſſier par ſon émontoire, ne faut pas auſſi boire ſans ſoiſ, d'autant qu'elle reuiet aſſez quand le vehicule ou humide qui diſſout nos aliments vient à manquer ou diminuer de ſa quantité neceſſaire.

Le trop d'aliments incommode grandement la faculté coctrice, la retentrice, & l'expultrice, d'où ſ'enſuit la retention des excrements, ſinon de tous, au moins d'une partie en quelque endroit que ce ſoit, & d'où procede vne hyliade de maladies: mais pour entendre cela il faut dire vn mot.

Des

*Des obstructions & fermentations
qui causent les differents &
incertains retours des
accez.*

AVparavant que traiter des obstructions ie veux expliquer icy les termes & les principes ou elemēs de l'vne & l'autre Medecine, afin de les concilier toutes deux & en faire vn corps au grand soulagement des malades & honneur des Medecins qui les gouernent. C'est pourquoy ie dis que ce n'est pas sans cause tres-necessaire que nous auons attribué des nouueaux termes aux elements ou principes qui entrent en la composition des mixtes, puis que leur energie nous faict cognoistre plus facilement toutes les maladies, &

les remedes ſpecifiques pour leur guerifon. Ces principes ſenſuels & viſibles conuiennent pourtāt avec les humeurs: car noſtre mercure eſt vne ſubſtance inſipide, volatile, fluide, & le principe de putrefactiō, comme la pituite. Le ſouphre conuient avec la melancolie par ſa viſquofité, & vnit les autres par ſon vnctuoſité: c'eſt le ſeul inflammable ou qui s'allume. Noſtre ſel conuient avec la bile, en ce qu'il eſt principe de chaleur, de purification, de ſauours, d'induration ou corporification.

Examinons vn peu leſquels ſont plus cōmodes ou neceſſaires, afin de les mettre en vſage. Premièrement, ie diſ que les anciens & les modernes aduoüent que tous les mixtes ſont compoſez de meſmes éléments ou principes, ce qui

ne reçoit point d'objection : neantmoins la plupart des Medecins se contrarient, lors qu'ils assignent aux seuls animaux la melancolie, pituite, sang & bile qu'ils font conuenir avec les quatre elements imaginaires, leur donnant vne certaine combinaison de qualitez chimeriques, tellement qu'ils attribuent vne secheresse intense à la melancolie & à la terre avec froideur remise : à l'eau & à la pituite vne froideur extrême, & humidité remise : à l'air & au sang, vne humidité intense avec chaleur mediocre : à la bile & au feu, la chaleur tres-violente & secheresse temperée, qualitez qu'ils disent leur estre specifiques ou propres. Par ceste combinaison fantastique leur feu imaginaire conuient par sa chaleur avec l'air, & par sa

seicheresse avec la terre: l'air con-
vient avec l'eau par son humidité,
& au feu par sa chaleur: l'eau con-
vient avec la terre par sa froideur,
& à l'air par son humidité: Fina-
lement la terre convient avec le
feu par la seicheresse qui est propre
& à l'une & à l'autre, & avec l'eau
par leur froideur commune. Je
trauaille, comme j'ay dit ailleurs,
pour refuter ces bagatelles ou er-
reurs, ainsi que l'on verra le plu-
stost que ie pourray. Il suffit d'as-
seurer icy qu'il n'y a point quatre
éléments: & ceux qui y sont n'ont
point les qualitez qu'on leur attri-
buë. En effet l'experience nous
fait voir par la resolution des mix-
tes, que tous les mineraux sont
composez de beaucoup de sel,
principe de purification & indu-
ration, afin qu'ils ne se corrom-

pent iamaïs. Il faut qu'ils soient extrêmement durs & solides pour l'usage necessaire de l'homme.

Les animaux contiennent plus de soulfhre (principe d'vnion & malleation) que des autres principes, afin d'auoir le mouuement prompt, & la douceur qui leur est si necessaire.

Les vegetaux abondent plus en mercure, (principe de nutrition & putrefaction) que les autres, en tout cela point de bile, de melancolie ny pituite, comme il se void par leur distillation.

Donc les aliments que nous prenons, estans composez de sel, de soulfhre & de mercure, il faut necessairement qu'ils produisent les maladies qu'il faut appeller du nom de la cause, comme si c'est le sel, on la nommera sallée, ainsi des

autres ; mais l'vſage de ce terme eſt infiniment vtile, parce qu'en nous faiſant cognoiſtre la cauſe du mal, il nous faiſt auſſi cognoiſtre le remede pour la guerison. Pour exemple, l'on me faiſt voir vne perſonne affligée de pierre, ſable ou grauelle: ie ſçay que tout cela eſt faiſt de ſel, & ſi quelqu'un en doute, qu'il en faſſe l'analyſe, & il trouuera la verité auſſi bien que moy. Or ie ſçay auſſi que les choſes ſe plaiſent avec leurs ſemblables, ou qu'elles ſimbolifent enſemble: c'eſt pourquoy ie tire l'eſprit d'un certain ſel qui eſt de meſme nature que celui dont eſt faite la pierre. Et cét eſprit ayant ceſte inclination ou ſimpathie dès la creation du monde, il ne cherche qu'à rentrer dans vn corps ſemblable à celui dont il a eſté extraict.

C'est pourquoy aussi tost qu'il est dans le corps ; agité par la chaleur, & porté aux reins par vn propre vehicule, il rencontre la pierre, la mollifie ou dissout en la penetrant, puis l'vrine emporte ce qui est dissout, apres on reitere le remede iusqu'à ce que tout soit dissout & expulsé dehors, & la personne guerit. Mais cela ne se pourroit iamais faire avec le soulfhre ny avec le mercure, moins encor avec leurs qualitez élémentaires de chaud, froid, sec, & humide.

Ce mesme remede ou esprit dissout encore toutes les obstructions salees, c'est pourquoy il guerit la Fièvre tierce, les vlceres, galles, dertres, iaunisses, & autres maladies que l'on appelle bilieuses: & ce que i'ay dit des infirmittez causees par le sel, est aussi veritable

pour celles du ſoulphre & du mercure, comme i'expliqueray en ſon lieu.

Tellement que nous pouuons bien nommer avec raiſon vne maladie du ſel, puis que ſon remede ſpecifique eſt dans le ſel principe, nitreux, armoniac, ou volatil; vne du ſoulphre, d'autant que ſon remede propre eſt dans l'eſprit du ſoulphre; tiré des animaux, vegetaux ou minéraux.

Finalelement les maladies du mercure ou pituite ſont toutes guéries par l'eſprit ou magiſtere mercurial des vns ou des autres, qui eſt neceſſaire aux degrez de la maladie. Par ce qu'au commencement des obſtructions elles ſont encores aſſez molles & faciles à penetrer, & lors on ſ'en peut deliurer avec ſon ſpecifique

De la cause des Fièvres. 41

tiré des animaux. Que si elles ont des racines vn peu plus fortes , il faut les guérir avec celuy qui est tiré des vegetaux : mais si elles se sont renduës fort visqueuses , tout ce que dessus ne seruira de rien : c'est pourquoy il faut auoir recours à celuy des mineraux , d'autant que la cause de leurs vertus est entretenüe par les influences des corps celestes , aussi leurs opérations ne sont iamais violentes.

Ce que dessus faiët assez cognoistre que les maladies se guérissent par leurs semblables , & non avec leurs contraires. La Fièvre chaude ne fut iamais guerrie par l'eau froide, mais par le remède qui expulse la cause, lequel remède n'est pas froid , & ainsi des autres , dont les termes de bile, melancolie, pituite ne sont si con-

uenables, commodes, ny meſmes ſi neceſſaires que les noſtres, par ce qu'ils ne font cognoiſtre la cauſe du mal non plus que le remede pour ſa guerifon, les maladies bilieufes ne trouuent point leur remede dans vne autre bile, tout de meſme les melancoliques & les pituiteuſes.

Toutes les maladies melancoliques, ont pour cauſe materielle ceſte humeur plus groſſiere que les autres: & le remede plus certain pour leur guerifon eſt au fer, plus ſouffreux & terreſtre que les autres metaux. Le flegme ou pituite ſ'éuacué par l'agarc, turbit, hermodates, & autres purgatifs de couleur blanche. La bile, par la rheubarbe de ſa couleur iaune: la melancolie, avec le ſené, éleboro noir, aloës, & autres purgatifs de

teinture noire ; mais que dirons-nous de la poudre hermetique fort blanche qui purge toutes les humeurs ? laquelle n'a point de goust évident, ny de qualité manifeste, apres ces cognoissances ne peut-on pas conclure que la guerison qu'elle produit n'arriue point par son contraire ? Que si on m'objecte le soulagement que reçoit la chaleur ou inflammatio des yeux, par la fraischeur de l'eau rose : ie responds que cela n'arriue pas par antipathie, mais bien par sympathie, d'autant que l'eau abhorre l'incipide, & cherche la saueur qui reside au sel, de sorte qu'elle le dissout volontiers : & le sel abhorre la seicheresse ou l'aride, & cherche l'humide pour luy servir d'organe en tous ses mouuements & actions : car il ne peut faire aucu-

44 *Nouvelles démonstr.*

ne operation dans le solide ou sec;
 Voyla certainement la raison de
 ceste vertu aymentée qui est au sel
 pour attirer l'eau, & dans l'eau
 pour attirer le sel, & que l'un &
 l'autre tiennent de leur creation.
 Donc le froid de l'eau rose ne gue-
 rit pas ceste chaleur par contraire
 qualité, ains par difference de sub-
 stance, qui se cherchent neant-
 moins l'un l'autre, non pour leur
 destruction, mais pour leur con-
 seruation, comme l'on verra plus
 amplement en son lieu. Concluôs
 pour ce sujet que la douleur, in-
 flammation & chaleur des yeux,
 n'est autre chose qu'une ferocité
 ou sel resoult, extrêmement acre
 & mordicant, & que l'eau qu'on
 luy applique le dissout, tellement
 que n'y en ayant plus, il faut neces-
 sairement que la guerison s'en en-
 suiue.

Les chicaneurs qui ne se veulent jamais rendre pensent auoir trouué vne grande retraitte, en disant que la chaleur cause la soif ou alteration, qu'elle ne s'arreste que par la fraischeur & l'humidité de la boisson: mais nous auons respondu à cela, en disant que la soif n'a point d'autre cause que la faute d'humide, comme la faim par le manque d'aliments.

Ceste veritable cognoissance nous faiët mesurer le temps des digestions, & cognoistre les ventricules, & le lieu où elles se font, où se doiuent faire: ainsi la premiere digestion qui se faiët dans l'estomach separe tout le grossier excrement du soulfhre, l'éuacuë ou rejette par les selles: la seconde qui se faiët au foye, separe celuy du mercure, & s'en descharge par son

émontoire qui eſt la veſſie: la troiſieſme ſe faiſt aux reins, & ſepare le groſſier des ſels, le renuoyant avec les vrines. Que ſi ceſtrois operations ſe font par l'ordre & la vigueur de la nature, c'eſt vn ſigne manifeſte qu'elle eſt puiffante, & lors nous ioüiſſons d'une bonne ſanté, & ne ſentons aucunes douleurs ny empêchement en nos actions.

Il y a encore pluſieurs ventricules, autant de digeſtions, autant d'excrements, & encore autant d'émontoires pour les éuacuer, comme au cerueau, aux poulmós, à la ratte, aux muſcles, &c. Mais ſi les excrements ſont retenus contre l'intention de la nature, ils ſ'alterent ou ſe fermentent, d'où ſ'enſuit la Fièvre, parce que la chaleur ſ'y faiſt extraordinaire, qui corrompt

ou altere les endroiets où elle se faict, ou bien leur quantité presse les parties qui la contiennent, & ceste violence produit encore la Fièvre: tellement que si la melancolie excrementeuse est retenuë en trop grande quantité dans l'estomach, le malade aura douleurs de membres: si au foye le poulx est lent, mais dur, les vrines claires, avec vn mediocre sediment: si aux reins, il sent vne douleur poignante en l'vne des hanches, douleur en toute l'espine du dos, à la teste, au ventre, & l'vrine est fort rouge, notamment si le foye est opilé, avec alteration, laquelle se faict lors que l'humide ou vehicule qui dissout nos alimens est consommé par la chaleur, qui en demande d'autre à la place.

Si la bile cause la Fièvre dans

l'eſtomach, le malade vomit au commencement de l'acceſ: ſi au foye, le poulx eſt violent & poignant; l'vrine digeſte avec vn bon ſediment & hypotaſe: ſi aux reins, il ſent douleur & chaleur à la partie: les autres ſignes ſont communs.

Mais ſi la pituite abonde par trop dans l'eſtomach, elle y faiſt la Fièvre quotidienne, avec douleur au deuant de la teſte, ſueur à l'eſtomach & au col, froid entre cuir & chair, & grand aſſoupifſement, l'artere des bras plus forte que celui des tempes, les vrines cruës & pales: ſi au foye, il y aura mauuiſe couleur au viſage, les vrines blanchaſtres, le poulx debile durant le froid: ſi aux reins, la chaleur ſera mediocre, & enflure aux pieds: le froid commence aux
femmes

femmes par le dos, & aux hommes par deuant.

Par ce que dessus, & par toutes fortes de raisons, il est manifeste que ces trois substances de sel, soulfhre & mercure, produisent la difference des Fièvres intermittentes, à cause de la différente disposition qu'elles ont à l'alteration ou fermentation, d'autant que la pituite ou mercure se ferme en vingt quatre heures, & lors elles s'enfle, & s'esleue comme la paste, ou le moult bouillant, ce qui fait les obstructions, & empesche l'usage de l'air, d'où s'ensuit la Fièvre quotidienne. Mais le tres-subtil estant separé du grossier, la fermentation acheue, comme en celle de la paste, de la biere, &c. d'où procede la fin de l'accez iusqu'à ce qu'il y aye assez de nouvelle

matiere pour recommencer l'autre fermentation, & par consequent l'accez tousiours plus ou moins long, selon la quantité de la cause, c'est à dire, que la Fièvre durera plus ou moins.

Faut encore noter que la fermentation & le tres-subtil separé, le grossier qui reste se rend tousiours plus materiel & visqueux, par la chaleur & le temps, s'il n'est expulsé, tellement qu'il faict obstruction, & cause que ceste Fièvre est tousiours longue, & que la matiere est tousiours renouvelée & entretenüe par l'humide & le breuvage que chacun est cōtraint de prendre ordinairement.

Le sel ou bile ne se putrefie que par meslange d'autre chose, encore luy faut il deux iours de vingt quatre heures, tant à s'y disposer

Dé la cause des Fièvres. 57

qu'à faire son operation, & produire la Fièvre tierce, laquelle dure tant que le tres subtil en soit separé, & cela se faict assez promptement, comme nous dirons ailleurs, parce que son esprit est fort subtil, & sa matiere facile à dissoudre, comme estant de nature de sel: c'est pourquoy la Fièvre tierce est la plus briefue de toutes les intermittantes, car elle ne dure que sept accez, dont les plus violents se terminent dans l'espace de douze heures; si ceste Fièvre se conuertit en quarte, c'est vn signe manifeste que son excrement n'a point esté dissout ny éuacué, mais qu'il s'est durcy comme pierre, par le meſlange de la visquosité ſoulphreuse ou melancolique, d'où procedent les obstructions tant difficiles à dissoudre.

Le fouldphre ou melancolic est encore plus long-temps à faire ses operations à cause de son onétuosité, c'est pourquoy la Fièvre quartte qui en est faite est la plus longue, & que ceste humeur est si grossiere qu'il ne s'en peut separer que peu d'esprit, & avec beaucoup de temps, & encore ce qui reste est fort difficile à dissoudre, & par conséquent à l'éuacuation.

Tant y a que les obstructions (aussi bien que tous les autres mixtes) sont composez de mercure, de fouldphre & de sel; mais elles commencent par coagulation ou muilage comme le blanc d'œuf, & si le mercure y abonde plus que les autres, elles tiennent assez long-temps ceste consistence, faisant leur operation dans le cerueau, dans les nerfs, aux veines, à la tra-

chée, attere, au poulmon, &c.

Que si le soulfhre domine en ce meſlange, il ſe faiſt congelation ou vaiſqueſité comme le jaune, & lors elles occupent la ratte, les hypocôdres, &c. d'où prouiennent toutes les maladies que l'on appelle melancoliques: Mais ſi le ſel eſt le plus fort en ceſte compoſition, il ſe faiſt induration ou fixation pareille à la cocque, pour occuper les reins, les joinctures, &c. d'où ſ'enſuit la pierre, ſable, grauelle, gouttes, & toutes leſquelles infirmitéz ne reçoient aucun ſoulagement par la ſaignée, mais par la diſſolution, en y remédiant de bonne heure, autrement les maladies croniques, & ſouuent incurables ſ'en enſuiuent.

Quoy qu'il en ſoit, faut conſiderer le lieu où ſe font les obſtru-

ctions, la cause qui les produit, & leurs différentes operations, comme celles qui bouchent le passage de l'esprit visuel dans les nerfs optiques, & supprimēt la veuë, mais ils ne causent point de Fièvre, non plus que celles qui se font dans l'origine des nerfs, qui produisent la paralysie sans aucun autre accidēt. Celles qui se font aux muscles, aux poulmons, & c. causent vne petite Fièvre lente ou éthique, avec grād amaigrissement.

Si la premiere digestion est imparfaite, le chyle restant grossier plus qu'il ne doit, laisse quelque matiere grossiere dans les veines mesaraïques, laquelle s'époissit & s'augmente petit à petit, tellement qu'en fin elle bouche le passage à la matiere dōt se doit faire le sang, c'est pourquoy il faut que tout

s'éuacuë par les selles, en grande confusion (comme ie diray cy apres) d'où prouient la Fièvre continuë, & par consequent bien tost la mort, si le remede specifique ne s'y trouue: mais cela ne se guerit point par son contraire, non plus que par les qualitez de froid, de chaud, de sec, ny d'humide.

Les obstructions qui se font à la ratte, aux hypocondres, & en plusieurs autres endroits, produisent les Fièvres intermittentes, a cause de leur fermentation, comme il sera dit en son lieu.

Celles qui se font au reins empeschent le passage de l'vrine, & causent enflure vniuerselle.

Mais celles qui se font extrêmement grossieres & visqueuses dans le foye, veines & arteres, empeschent l'vsage de l'air qui doit

agiter les eſprits, la nutrition des parties, d'où ſ'enſuit grande alteration, fermentation, putrefaſtió, & la Fièvre continuë, ſuiuie de la mort, ſi l'on manque de ſecours & de remede ſalutaire.

Toutes lesquelles obſtructions ne ſe font que par l'impuiſſance ou déprauation de la faculté expultrice, qui n'éuacuë pas les excremens avec toute la vigueur neceſſaire.

Ce ſont les cauſes materielles de ces différentes Fièvres, mais les efficients, comme nous auons dit, ſont l'agitation de la chaleur contre nature, & les influences des corps celeſtes. Paſſons du general au particulier, & conſiderós toutes les circonſtances.

De la Fièvre tierce.

LA Fièvre tierce est ainsi nommée, parce qu'elle re-
uiét au troisieme iour; elle a pour *Definitio.*
centre & pour cause materielle le
cistis falis, & toute ceste humeur
que l'on appelle bile, agitée par
l'influence de Mars, ou par sa pro-
pre quantité, laquelle estant ex-
cessiuemēt eschauffée, éuapore par
sa violēce tout ce qu'il y a de pitui-
te volatile au cerueau, d'où se faict
vne prompte fluxion sur toutes les
parties, & notammēt sur les nerfs,
& le tremblement vniuersel qui *Cause du*
precede la Fièvre, d'autant que *froid &*
l'humeur tombée conçoit cha- *de la Fi-*
leur, laquelle augmente iusques à *vre.*
la violence accompagnée d'une
extrême soif & alteration, parce

*Cause du
chaud &
de l'altera-
tion.*

*Fin de la
Fièvre.*

que tout l'humide ou vehicule est évaporé en haut, & chassé du centre à la circonférence, & de là excitée par la chaleur de la Fièvre, ou expulsée par les pores ou insensible transpiration, s'ensuit la fin de la Fièvre, du moins le relasche qui dure iusques à ce que la bile ait de nouvelle matiere volatile, c'est à dire de la pituite, pour faire vn nouveau progres. Il arriue de cela comme d'un petit brazier, auquel on adioust quelque quantité de bois, qui estant allumé eschauffe aupres, & produit grande fumée au loin: Mais aussi tost que le combustible est consommé, il n'y a plus aucune fumée ny tant de chaleur, si l'on ne luy remet de nouveaux aliments du feu. Ainsi en adjoustant les matieres volatiles & des nouveaux aliments à la

colere, il s'ensuit vn autre effect, ou acciez, comme le premier. Or ce volatil n'est autre chose que l'humide & le breuuage que nous prenons d'ordinaire; Mais tout ce qui augmente la bile fait durer le mal, comme l'vsage des aliments qui la produisent: l'abstinence de boire & manger: trop grand labour en temps chaud, & sec: longues veilles avec chagrin ou colere. Elle commence l'acciez par froid, la continuë & l'acheue par grande chaleur, ce qui faict chercher la boisson fresche, & la respiration libre; au commencement le poulx est petit, mais fort violent & soudain à l'accroissement, & lors fuiuy d'extrême sueur & vomissement, avec beaucoup d'amertume. Les vrines & autres déjections fort bilieuses, douleur &

*Signes de
la Fièvre.*

60 *Nouvelles demonſtr.*

peſanteur de teſte, chagrin & deſ-
dain de parler aux aſſiſtans.

Prognostic Le prognostic la fait terminer
en ſept accèz, chacun de neuf ou
dix heures, ſelon la quantité de la
matiere qui faiët la fermentation
de l'humeur qui la cauſe : l'vri-
ne doit monſtrer la coëtion au
quatriefme iour: car ſi elle faiët vn
hypotaſe eſgale, & non diſperſée,
on ſe peut aſſeurer que la Fièvre ſe-
ra brefue, notamment (icy com-
me en toute autre Fièvre,) ſi le
malade vrine plus que de couſtu-
me. Au reſte la trop frequente ſai-
gnée la peut conuertir (ainſi qu'il
a eſté dit ailleurs) en double tierce,
en quarte, & finalement en hy-
dropiſie, pour faire mentir les
grands Autheurs qui l'aſſeurent
moins perilleuſe que toutes les au-
tres, pourueu qu'elle n'aye que la

bile pour cause: mais estant meſlée de pituite, elle est longue & perilleuse, selon ce que nous auons raisonné en autre lieu, toutesfois les acces ne sont si violents, parce que la pituite les modere. Il faut neantmoins apprehender qu'elle se tourne en tierce continuë par la putrefaction que la pituite conçoit facilement.

Tant que ceste Fièvre sera tierce réglée, il n'en faut pas attendre aucune crise parfaite, ny à toutes les autres intermittantes, parce qu'elles sont toutes faites par obstructions, trop de chaleur, ou secheresse.

D'autant que la bile ne se corrompt & ne se corrige facilement, on ne ſçauroit mieux faire que la mettre dehors; c'est pourquoy ie puis asseurer que mō

Remedes.

colaguogue, & mon grand Elixir peuvent guerir ceste Fièvre en moins de temps que tout autre remede, pourueu que le regime de viure soit obserué, pour humecter & rafraichir, comme bouillons de veau, poullers, volaille, avec pourpier, laictuës, ozeille, &c. le breuuage doit estre de bonne eau pannée, parce que c'est la meilleure de toutes, à cause que le pain abonde plus en esprit nutritif que toutes autres choses dequoy l'on compose les ptisanes, & cét esprit que l'eau tire est fort agreable & conuenable à l'estomach, lequel abhorre avec toute la nature tout ce qui n'est point aliment. Les eaux minerales alumineuses, ou les remedes qui en sont preparez, peuuent beacoup à la guerison de ceste maladie.

*Regime de
viure.*

Au reste, faut remarquer icy, comme à toute autre Fièvre intermittante, que le retardement ou anticipation des acces faiët cognoistre la force ou imbecilité de la nature.

Finalemēt, ie donne cēt aduis aux malades & aux Medecins, non mercenaires, & qui ambitionnent l'honneur de leur profession, qu'il ne faut point saigner en ceste Fièvre, ny en toutes les autres intermittantes, parce qu'elle ne rarifie point le visqueux, n'attenuë ny ne subtilise les choses qui sont trop crasses, & qui font les obstructions; c'est pourquoy il vaut bien mieux suiure l'ordre de Galien, où il dit que les humeurs superflus ou corrompus doiuent estre euacuees par les selles, par les vrines, par vomissement, ou par les sueurs.

*Lib. II. C.
de method.
med.*

De la Fièvre quotidienne.
Definitio.
*Causes de
la Fièvre
quotidien-
ne.*

LA Fièvre quotidienne est ainsi nommée, parce qu'elle reuiét tous les iours avec relasche; la cause qui la produit est ce que l'on appelle pituite en trop grande abondance, excitée par la bile, & quelquefois par les rayons planétaires de la Lune, comme nous auons dit ailleurs. Ceste humeur tombant sur l'estomach & dans les intestins, les refroidit, d'où s'ensuit vne mauuaise & imparfaite digestion, c'est à dire vn chyle confus & indiject dans les veines mesaraïques, lequel refroidit encore le foye, cause éuidente d'vne mauuaise & imparfaite sanguification, comme aussi le temperament trop humide naturel ou acquis,

quis, vieillesse, temps d'Hyuer, region ou saison froide & humide, vie sedentaire & sans exercice, yurongnerie, vsage excessif de cruditez, sommeil trop long, & prompt apres le repas abundant.

Les signes se tirent de plusieurs choses. Premièrement le poulx est inégal, petit, debile, & tardif, les vrines sont blanches & cruës au commencement, apres espoisses, troubles, & par l'imbécilité du foye deuiennent rouges; les accez sont plus longs & moins violents que ceux de la tierce, à cause que l'humeur de celle cy est plus visqueuse, & a moins d'actiuité que l'autre: Mais l'heure de l'accez en est moins certaine, les vomissemens & autres déjections sont tousiours pituiteuses; c'est pourquoy les malades ont douleur d'estomach,

signes.

& ne ſont iamais alterez.

Prognostic. Le prognostic de la quotidien ne est bien different de celuy de la tierce, d'autant que l'un ne promet rien de mauuais, à cause que le ſel, ou bile, qui est principe de purification, ne se corrompt point: mais la pituite, principe de putrefaction, est prompt à se corrompre, & gaster ce qui la contient. Le meilleur signe de facile guerison, est le vomissement au commencement, & les sueurs sur la fin: esternuements apres la vigueur de la Fièvre: enflure de jambes & des pieds, sont assez bons: mais il faut faire abstinence de manger.

Pour guerir promptement ceste Fièvre, ie purge la pituite grossiere par les selles avec mon flegmagogue, & la subtile par les po.

res avec mon sudorifique.

Je sçay bien que l'enuie & l'ignorance veulent faire croire que mes remedes sont chauds, & par consequent perilleux : à quoy ie responds, qu'il vaut mieux estre aboyé que mordu de telles bestes, puis que ceste calomnie a plus de passion que de raison : car autre que moy n'en sçait la préparation, la composition, ny l'usage. Il est bien vray que pour éviter la violence que la nature abhorre tant, ie diuise mes purgatifs en plusieurs petites dozès, afin que les premiers esmeuent & disposent les humeurs, & les suiua^{nts} les éuacuent : mais si par impatience, ou autrement, l'on ne veut poursuiure ny acheuer l'ordre, il arriue que les choses esmeuës s'eschauffent & se corrompent, dequoy il faut plu-

Il estoit accuser l'inconstance criminelle, que le remede innocent, tant y a que mes purgatifs n'eschauffent point, si ce n'est beaucoup moins que tous les autres au temps de leur operation: estant expulsez avec les matieres qu'ils éuacuënt & comment pourroient ils eschauffer? puis que la doze est comme vn grain de poivre dans vn corps plein de tant d'aliments & d'humeurs; certes il n'y a point d'apparence ny de verité: c'est bien le contraire, car nous pouons assurer qu'ils rafraichissent en éuacuant ce qui eschauffe par trop, en effet pas vn de ceux qui suivent mon ordre ne se plaint d'aucun eschauffement: Tout ce qui peut eschauffer & augmenter les maladies, est le mauuais regime de viure, & purger ou éuacuër ce qui

ne fait point le mal, dequoy plusieurs sont coupables avec leurs quiprocós de medecines, & leurs seigneés trop souvent reïterees à toutes sortes de maladies, aussi puis je dire que ceux qui font saigner en ceste Fièvre, & en toutes les autres, ont oublié leur définition, ou bié ils ne l'ont iamais sçeuë, d'autát que selon eux mesmes, toute Fièvre est vne chaleur contre nature, c'est à dire vne chaleur estrangere, qui fait la guerre à la chaleur domestique & naturelle; ce sont deux ennemis qui se combattent: mais pour dóner la viétoire à l'un, il faut de sarmer l'autre. Or est il que la chaleur naturelle reside avec le sang, & la chaleur contre nature a son siege dans la bile, de sorte que si l'on veut donner la viétoire à la chaleur naturelle, il faut

oſter les armes à ſon ennemi; c'eſt
qui le fait en éuacuât la bile; neant-
moins on faiſt tout au contraire
lors que l'on tire du ſang, non ſeu-
lement aux Fièvres, mais à toutes
ſortes de maladies; & pleuſt à Dieu
que celle erreur fuſt ſupprimée, ou
pour le moins corrigée & refor-
mée, car elle produit quantité de
grands maux. Premièrement,
ie diſ pour le ſçauoir tres-bien,
qu'il ne faut point ſaigner à la Fié-
vre quarte, parce qu'elle a pour
cauſe la melancolie, froide & ſe-
che, qu'il ny a rien qui refrenè le
froid & ſec, ſi ce n'eſt le chaud &
l'humide, n'y ayant rien qui ſoit
plus chaud & humide que le ſang:
il ſ'enſuit qu'autant que l'on en ti-
re, autant de force on donne à la
melancolie, tellement qu'elle de-
meure la plus forte, & lors elle pe-

netre, ou mesme est attirée par les veines, afin de remplir la place que tenoit le sang, ou éviter le vuide que la nature abhorre. Et lors il se fait des obstructions dans les veines, qui sont plus difficiles à guerir que la Fièvre quarte.

Sila bile est attirée dans les veines, elle y fait aussi tost vne si grande ébullition & inflammation que le mal est sans aucun remede.

Cela est constant & indubitable que les veines ayant faute de sang pour les remplir, elles sucent & attirent les humeurs fluides qui leur sont voisines, de sorte que la pituite estant penetrée & meslée avec le sang, il est refroidy, rendu apte à la putrefaction, qui est vn mal presque incurable, & où la nature agit continuellement pour se deffaire de tout ce qui ruine son

tréſor qui eſt le ſang.

Les eaux minerales ſoulphreuſes, ou les magiſteres qui en ſont tirez, ſont tous les iours d'excellentes operations pour la guerison de ceſte maladie. Il y a encore trois ſouuerains remedes, pourueu qu'on les ſçache faire, & en vſer aux occaſions; C'eſt l'eau diſſolutive, la coagulative, & la germinatiue, leſqueles il faut extraire des mineraux, vegetaux & animaux, c'eſt à dire, du ſel, du ſoulphre & du mercure d'iceux: Le premier eſt pour diſſoudre & expulſer toutes les viſqueuſitez, & autres matieres ſuperfluës: Le ſecond eſt de grand vſage pour coaguler celles qui nous offencent par leur trop grande rarefaction: & l'autre pour conforter ou reſtaurer l'imbecilité de la nature. Ce ſecret

De la cause des Fièvres. 73

de ma seule experience est vn chef d'œuure, & vn grand ornement à la Medecine.

De la Fièvre continuë.

Comme nous appellons les susdites Fièvres intermittentes, à cause qu'elles ont intermission & interualle entre les accez, il faut appeller celle-cy continuë, d'autant qu'elle n'a aucun relasche depuis le commencement iusques à la fin : Et comme la melancolie, la bile, ou la pituite, estant enflammées, esmeuës ou agitées hors des veines, causent les Fièvres intermittentes, il faut aussi dire que si elles sont entre meslees dans les vaisseaux avec le sang, elles y font la Fièvre continuë, parce que les veines sont destinées pour ne con-

Definition.

Cause.

74 *Nouvelles demonſtr.*

tenir autre choſe que le trefor de la vie. Car tout ainſi que les nerfs ſont faiçts pour l'vſage des eſprits, s'il y entre quelque choſe de materiel, il faut que la paralifie s'en enſuiue: de meſme, ſi dans les veines ſe treuve quelqu'autre matiere que celle qui y doit eſtre, la Fièvre ne manque point d'arriuer, parce que toute la nature faiçt effort, & agit continuellement, afin de reparer ce deffaut & ceſte confuſion.

Eff: 25. Pour ſçauoir laquelle de ces humeurs faiçt le deſordre: il faut conſiderer que ſi la bile ſurabonde, le poulx eſt violent & ſoudain enuiron midy, avec vn peu de redoublement tous les deux iours, la ſoiſ extrême, la bouche amere: & ce faiſant quelque transport de bile au cerueau, elle y cauſe la reſ-

De la cause des Fièvres. 75

uerie avec plusieurs autres signes de la tierce. Que si la melancolie est la plus forte en ce meslange, le poulx est tardif, la Fièvre moins violente, avec vne espee de redoublement au troisieme iour, & vers la minuiet.

Mais la pituite y dominant, le poulx est assez moderé, comme à la quotidienne, peu d'alteration, & vn insensible redoublement sur le soir.

Les autres causes de Fièvre continuë sont, le trop violent exercice en temps chaud, longue soif, extrême cogitation d'esprit, vsage de viandes eschauffantes aux iours caniculaires, obstructions du foye & des artères, &c.

Elle attaque plustost les sanguins, charnus, gras & en bon point, que les maigres, melancoli-

Signes.

ques & froids: le poulx eſt vehément ſoudain & frequent, la langue ſeche, aſpre & noire: le malade ſent quelque mordication à l'entour de l'eſtomach, du foye ou du poulmon, à cauſe que l'excremēt de la bile eſtant retenuë en ces parties, ſ'y eſpoiſſit au commencement, & par la chaleur ſe coagule en couleur jaune, verte, liuide ou poracée, extrêmement acre, ſalée ou amere, ſelon qu'elle eſt plus ou moins cuite ou exaltée, les vrines & autres dejections paſſes ou liuides par l'abondance de la matiere cruë ou indigeſte.

Prognostic.

Au reſte le prognostic ne promet rien de bon à ceux qui ont les vrines fort noires & en petite quantité, avec les ſueurs & les extrémités froides: ſi la Fièvre augmente le troiſieſme iour: ſi le patient di-

minuë ou amaigrit de beaucoup, les crachats liuides, foetides, faigneux ou jaunâstres: les lëvres, paupieres, sourcils & le nez, peruertis, avec perte de la veuë, ou de l'ouye, & difficulté de respirer; tout cela est de mauuaise consequence: Mais elle est de bonne issue en ieunes gens en Esté, & notamment s'il y a quelque signe de coction au quatriesme iour: car cela monstre qu'il se fera bien tost vne des quatre crises; sçauoir par vomissements, flux de ventre, sueurs, ou flux de sang, ou mesme la Fièvre se terminera par abscez, ou en parotides, selon le mouuement de la nature, les sueurs non froides, sont louables à tous les iours impairs.

Pour les remedes, i'en baille point dès le premier iour en ce-

ſte Fièvre, ny en toutes les autres, pour auoir le temps d'en cognoiſtre la cauſe, & de laiſſer meurir celles qui en ont la diſpoſition, ce qu'il ne faut attendre à la quarte; c'eſt pourquoy eſtant bien aſſeuré que le ſang peche en trop grande quantité, ie fais ouurir la veine autât de fois que nature le demande, c'eſt à dire peu, afin qu'elle ne ſoit point deſtournée de faire quelque bonne criſe: Mais ſi vne autre humeur ſur-abonde où faiſt le mal, ie la purge avec certitude, & ſans aucun peril, apres cela ie dōne quelques priſes de mon Eau celeſte, qui purifie le ſang plus qu'autre choſe que ie ſçachē.

Les Eaux nitreuſes minerales peuuent auſſi beaucoup à la gueriſon de ce mal, les aliments doiuent humecter & rafraîſchir autât qu'il

se pourra: mais sur tout il en faut vser sobrement; pour le boire il ne faut point l'espargner, le meilleur sera de l'eau pannée, & en donner autant que le malade voudra.

L'ay veu guerir fort souuent la Fièvre continuë avec vne certaine drogue appliquée sur le poignet & sur la regiõ du cœur, enquoy tous nos Medecins, & les plus doctes, sont bien empeschez pour cognoistre la cause de cët effect, qui n'est pas le gibier de la Philosophie Peripatetique, laquelle traite seulement des matieres corporelles: mais bien de la nostre qui fait cognoistre les qualitez & les vertus des formes par leurs operations: car l'esprit de ceste drogue estant irrité par la chaleur de la personne, se dilatte, & penetre iusques à ce principe de vie &

de mouuement, c'est à dire le cœur & le cerueau, de sorte qu'il les excite, les réueille, & leur faiët surmonter la violence de la Fièvre, en refrenant la cause du mal.

Ceste science toute demōstratiue nous fait cognoistre les principes veritables desquels la nature compose tous les mixtes, voire iusques aux esprits & semences les plus internes & cachees, auec les qualitez & vertus des animaux, vegetaux & minéraux, d'où s'ensuit la parfaite cognoissance de toutes les maladies, & des remèdes spécifiques pour leur guerison. Par elle nous sçauons que tout ce qui est au monde est visible ou inuisible, intellectuel ou sensible, agent ou patient, forme ou matiere, esprit ou corps, interieur ou exterior, immortel & mortel.

L'intel-

De la cause des Fièvres. 21

L'interieur & immortel void,
mais l'exterieur & mortel est veu,
l'inuisible qui void est plus excel-
lent, plus noble & plus digne que
ce qui est veu, d'autant qu'il est
aveugle, materiel & mortel.

Après la descouuerte de ceste
verité, il est aisé à cognoistre que
la Philosophie est basse & meca-
nique, laquelle traite seulemēt des
choses corporelles sans y com-
prendre aussi les spirituelles, parce
que la matiere n'a aucun mouue-
ment ny operation que par la for-
ce de l'esprit.

DE LA DYSENTERIE,

LA Dysenterie n'est autre *Definition.*
chose qu'vlcération de
boyaux, faite par l'acrimo-
nie de la bile, ou par la corrosion

Cause.

§ 2 *Nouvelles demonſtr.*

des humeurs ſalees, comme auſſi par vn air trop chaud, froid, humide, ou veneneux: Pour auoir pris quelque medicament ou aliment trop acré & mordicant, ou bien des fruitz & des cruditez: mais le plus ſouuent la fluction des humeurs deſcendûes du cerueau, où engendrees dans les inteſtins, ſont cauſe de ceſte maladie: elle arriue auſſi par quelque purgation ſupprimée, comme hemorroïdes, flux Lunaire des femmes, & ſaignement de nez, &c.

Signes.

Le malade jette au commencement du ſang vermeil, quelque fois grumeleux, puis eſt accompagné de raclure de boyaux & de bile noire, ſuiuie de pus fœtide, le tout avec des tranchees & tres-violentes douleurs à l'entour du nombril, à cauſe de la bile pora-

cée qui faiét l'erection en ceste partie.

Si tout ce que dessus est accompagné de syncopes, manquement de forces, extrême soif, avec Fié. *Prognostic.* vre, & le sang rendu fort noir, quantité de pus en odeur cadaueuse, & la bile jaune, vomissement, dégoust, & vieillesse: trop grande longueur de mal, & que le poulx soit formicant ou desreglé, tous ces signes sont funestes.

Puis que les humeurs acres & *Remedes.* mordicantes font la Dysenterie: Il est tout évident qu'elles produiront tousiours leurs dangereux effets tant qu'elles subsisterót; c'est pourquoy on ne scauroit mieux fuire l'intentió de la nature qu'en les expulsant le plus promptement que l'on pourra, & ne commencer par la saignée comme plusieurs

84 *Nouvelles demonſtr.*

*Lib. 4. de
viſ. rat.
in morb.
acut.*

font en toutes ſortes de maladies,
& notamment en celle-cy, con-
tre l'ordre de Galien, qui deſſend
de ſaigner en ceſte maladie.

Remedes.

Que ſi les douleurs ſont au deſ-
ſous du nombril, on les peut mo-
derer avec des lauements anodins
& aſtringents composez d'eau de
plantain, miel roſat, iaunes d'œufs
& poudre de pauoraſtre, ſelon l'aa-
ge & la grandeur du mal, & vſer
de ceſte opiate, R, crocus morbis
aſtringent, & corail preparé de
chacun vne once, terre ſigelée
deux onces, meſlez tout en pou-
dre tres-subtile, & en faites opia-
te avec ſirop de plantain, bon cot-
tignac, &c. dequoy il faut pren-
dre le poids d'un eſcu le ſoir, &
autant le matin : Mais ſi elles affli-
gent au deſſus du nombril, il faut
purger le malade avec l'extract de

rhēubarbe fait sans feu, puis obeir ponctuellemēt à Hippocrate qui ordonne d'arrester la fluxion à son origine, comme ie fais avec mon Eau coagulatiue de l'acier, i'entends si la pituite continuë par sa trop grande subtilité, car autrement ceste Eau n'est pas necessaire.

Le regime de viure en ceste maladie doit estre seulement de laiēt cuit avec des jaunes d'œufs quelquefois avec la farine de ris, & par interuale vn peu de bon cottignac, d'autant que toutes viandes grasses font plus de mal que de bien: le breuuage d'eau ferrée n'a point son pareil pour la Dysenterie, c'est la methode que ie tiens, & par laquelle ie puis asseurer qu'un nombre infiny de personnes affligées de ce mal ont esté gueries, la dernière desquelles, est le sieur de Li-

Regime.

bon aagé de 75. ans, qui me fiſt prier de le voir, comme ie fis le premier iour d'Octobre dernier, ie luy trouuay pluſieurs mauuais ſignes outre celuy de ſon aage, & de ſon humeur bilieufe, qui aimoit de tout temps le haut gouſt, il auoit alteration, fièvre & tranchees violentes & inſupportables: Mais parce que c'eſt vn Gentilhomme de grand merite, fort bien apparenté, & très recommandable, ie me delectay particulieremēt de l'aſſiſter en telle forte, qu'il penſoit eſtre guery deux heures apres que ie luy auois faiēt prendre mon remède, parce qu'il ne fiſt plus de ſang, il n'eut plus de fièvre, d'alteration, ny de tranchees: mais le mal reuenu au bout de vingt quatre heures, il fut contraint de me redemander le meſ-

me remede qu'il auoit refusé, croyant n'en auoir plus besoin, par la vertu duquel il fut entierement restauré, & si parfaitement guery, qu'il n'en a pas senty aucun reste.

Neantmoins quelques vns luy voulurent persuader que ceste guérison estoit suspecte à cause de sa promptitude, & que la fin n'en vaudroit rien, parce qu'il ne falloit pas enfermer le loup dans la bergerie, en arrestant trop tost le sang, à quoy i'ay respondu que si i'arrestois le sang hors ses vaisseaux, il se corromperoit facilement : mais estant arresté dans les veines, il s'y conserue comme en son centre, & par consequent ie fais ce que nature demande. Or est il que les boyaux estant vlcerez par l'acrimonie des humeurs qui tombent du cerueau, l'orifice des veines qui

y aboutiſſent, eſt ouuert par où
fluë leur ſang avec le pus de l'vlcere,
& parce que mon remede a
toutes les facultez & vertus neces-
ſaires & abſoluës pour arreſter la
fluxiõ, adoucir les humeurs, mon-
difier & reſſerrer l'vlcere, & par
conſequent les veines, il ſ'enſuit
que le ſang ne coule plus : donc la
guerifon eſt ſans peril & ſans re-
proche.

Enfin i'ay deſcouuert que ceux
qui me calomnioiët en ceſte cure
en parloiët par ignorãce & enuie,
auſſi ne ſçauët ils guerir ny toſt ny
tard, ny iamais : Et ie puis dire que
ces rares effectſ paroïſtroient avec
plus d'eſclat, ſi ie n'auõis pour en-
nemis iurez tous les Medecins,
Apotiquaires, Chirurgiens, tous
leurs parens & amis, tous leſquels
paſſionnent autant ma ruine que

leurs aduantages, neantmoins i'ay grand pitié de ceux qui n'ont iamais eu d'enuieux.

Monsieur de Sainte Marthe aagé de 75. ans, ancien & tres fameux Aduocat au grand Conseil, ayant vne extrême perte de sang par les hemorrhoides, fut traité par cinq ou six des principaux Medecins de ceste ville, lesquels n'y espargnerent aucunes sortes de saignées, de lauements, aposemes, iulleps, fomentations, & plusieurs autres sortes de remedes, tous lesquels rendirent le malade grandement foible, & vniuersellement jaune comme du soucy, les jambes fort enflées, avec fièvre continuë: Bref, estant comme à l'agonie, tous ces Messieurs l'abandonnerent apres vne tres-ample consultation, qui se fist sur

*Histoire
d'un flux
de sang
guary.*

les cinq heures du soir: De bonne fortune pour le malade, le Reuerend Pere de Lemperiere Prieur au College de Clugny y estant venu pour luy donner la derniere consolation, assura toute la famille qu'il m'auoit veu guerir plus de soixante personnes de tres grandes maladies, comme de Dysenteries & autres flux de sang: c'est pourquoy il fut prié de me venir querir luy mesme, comme il fit, ou estant arriué sur les neuf heures du soir, ie luy fis prendre vn remede qui veritablement n'estoit pas plus gros qu'un petit grain de poivre; & ayant assuré tous ceux de sa maison qu'il seroit guery dans deux heures, l'effet confirma tellement mes paroles, qu'environ la minuiet il se trouua tout guery: & de fait quelques vns de ces Medes-

cins estant adueity qu'il n'estoit pas encore mort, le vindrent visiter dès le matin, où ils furent bien estonnez, & tindrent pour miracle de ne trouuer plus de fièvre au poulx, presque point d'enflure aux jambés, point du tout de sang au bassin, & fort peu de ce jaune verd qui estoit sur la peau.

Le fils du sieur Herbin estant extrêmement affligé d'une hémorragie ou perte de sang par le nez, iusques au delire ou éuanoüissement, ie fus prié de l'aller voir, auquel ie donnay vn remede qui le guerit en l'espace de deux heures. Plusieurs autres personnes de toutes conditions ont receu le mesme aduantage par le mesme remede, lequel a aussi guery plus de vingt personnes comme enragez des grâdes & violètes douleurs de

Autre.

dents, operations qui ne manquent
iamais, pourueu qu'elles ne ſoient
pas tout à fait gaſtees.

DE LA DIARRHÉE.

Definition

LA Diarrhée eſt vn flux de
ventre ſans aucune vlcera-
tion ou inflammation, ce

Causes.

qui arriue par l'imbeccilité des par-
ties qui ſeruent à la diſteſtion : &
icelle cauſée par la froideur des
humeurs qui tombent du cerueau,
ou bien par l'vſage d'alimens trop
humides & viſqueux, leſquels ſe
corrompent facilement dans le
ventre.

ſignes.

Si les excréments ſont jauna-
ſtres & font quelque acrimonie,
avec amertume à la bouche, c'eſt
vn ſigne manifeſte que la bile ſe
deſgorge dans les boyaux : mais ſi

les dejections sont grises, blanchâstres, ou escumeuses, c'est la pituite, laquelle refroidit par trop l'estomach, les boyaux, le foye, &c. d'où s'ensuit vn prompt amaigrissement, parce que tous les alimêts passent sans estre alterez ou digerez.

La Diarrhée qui succede à la dysenterie est mortelle, notamment si la bile en est la cause, ou l'imbécilité des parties nobles, ou de la vieillesse: mais si elle est critique, & en ieunes personnes, il en faut attendre bonne issuë.

Prognostic

Si elle est causée par la trop grande quantité de pituite grossiere ou excrémenteuse, il la faut purger par les selles: Que si la trop subtile fait le desordre, il la faut éuacuër par sueurs, où bien la condenser & l'arrester en son origine,

Remedes

pourueu qu'elle aye duré quelques iours ſans fièvre, ſans ſoiſ, ny autre incommodité manifeſte.

Mais ſi la bile a cauſé la Diarrhée, on le cognoiſtra par les ſignes ſuſdits, & lors il la faut expulſer le plus promptement qu'il ſe pourra, avec remedes qui en ayent la vertu & la puissance. S'il y a quelques tranchees dans les inteſtins, l'on pourra vſer de lauements, d'eau ferrée, avec orge, ſucré rouge, & poudre de pauoraſtre, le caillé de chevreau au poids d'une ou deux dragmes ſoir & matin, deſſayé avec vn peu de vin ou de boüillon, ſert grandement à la guerison de ceſte maladie. Les aliments doivent eſtre comme pour la Dyſenterie.

Par ceſte methode le Reuerend

Pere Prouinial des Celestins, aagé de 72. ans ou enuiron, fut guery ces iours passez d'une Diarrhée extrêmement perilleuse, tant à cause de son aage, que d'une trop grande abondance de fruiçts dont il auoit vsé, comme aussi de plusieurs sallures, qui est l'aliment le plus ordinaire & commun à tous ces bons Peres. Le mal estoit si extrême, qu'il le contraignoit d'aller à tous moments à la garderobbe, mais avec des douleurs les plus cruelles & insupportables: la fièvre continuë & la toux extrêmement violente: neantmoins tout fut guery en l'espace de trois heures, & ce Reuerend Pere en estat de partir pour son voyage, comme il fit le troisieme iour apres, avec bonne prouision du remede qui l'auoit restauré. Je penserois

me rendre importun au Lecteur, ſi ie voulois rapporter icy l'hiftoire de tous ceux qui ont eſté gueris par mes remedes, ſeulement dans la preſente année, en cefte ville de Paris, où il y a eu grande quantité de maladies, à cauſe de l'extrême abondance de fruiçts que la ſaiſon a produits.

DE LA LIENTERIE,

Definition. **L**Yenterie eſt vne trop prompte ſortie des choſes que l'on mange & boit, ſans eſtre digerées, & cela arriue indubitablement toutes les fois que les veines méſaraïques ſont bouchées par obſtruction, opilation, ou autrement, parce que le chyle ne pouvant auoir ſon cours par icelles, il paſſe avec tous les excrements par les

les

les selles, en couleur grise, blanchâtre ou autre, le mesme aduient à ceux qui mangent trop grande quantité de viandes grasses, parce qu'elles rendent ces parties lubriques ou glissantes : le trop de pituite crasse ou visqueuse enfermée dans l'estomach, ou dans les intestins faict la mesme infirmité, comme aussi l'imbécilité des parties, particulièrement de l'estomach & des boyaux superieurs, destinez pour la digestion : ce qui arrive en suite d'une maladie.

En ceste maladie les patients ne sentent point leurs aliments dans l'estomach, peu ou point de fièvre ny d'altération : toutesfois ils maigrissent beaucoup, parce qu'il ne se fait aucune digestion. Les selles fréquentes sont aqueuses, blanchâtres & inégales, & peu ou

signes.

point de bile: ils ſentent quelque ardeur aux hypocondres, accompagnée d'un grand dégoût.

Prognostic.

Toute Lienterie qui vient ſur la fin d'une maladie eſt fort dangereuſe, principalement ſi elle eſt accompagnée de hoquet, ou bien de vomifſement: ſi elle dure un peu trop long-temps, il eſt à craindre qu'elle ſe termine en hydropiſie, notamment aux vieillards: mais ſi le malade eſt ieune, & qu'il iette des vents aigres par la bouche, il en faut concevoir bonne eſperance.

Les remedes plus ſouverains & aſſez pour guerir la Lienterie, conſiſtēt à purger la cauſe du mal, puis corroborer ou reparer l'imbecilité que les humeurs ont faite aux parties neceſſaires à la coction ou digeſtion: Mais le principal de

tous est le diuretique pour déboucher les veines mefaraiques, & attirer les humeurs sereuses par leur émonctoire, c'est à dire, par les reins, voicy vne expérience bien notable.

Madamoiselle de Cherouurier aagée de 45. ans fut malade de fièvre continuë, & traittée inutilement par quelques Medecins de ceste ville, qui la firent saigner treze ou quatorze fois : c'est pourquoy la nature ayât perdu ses principales forces, & ne faisant plus ses fonctions ordinaires, il se forma vne Lienterie si violente, que la maladie fut toute décharnée, destituée de vigueur, & abandonnée de ses Medecins. Enfin Monsieur l'Abbé Lucas prit la peine de me venir querir pour la voir, ce que ie fis, & par l'usage de mes remedes, agrea;

*Histoire
d'une Lienterie
guérie*

bles au goust, & tres benins en leur operation: elle fut guetie en l'espace de huit iours, au bout desquels elle s'en retourna en la ville du Mans, où elle est tousiours demeurante, & d'où i'ay souuent des nouvelles de la continuation de sa santé, & qu'elle est deuenue plus grasse qu'elle ne fut iamais.

Je n'ay pas voulu finir sans mettre icy quelques experiences que i'auois oubliées en leur place, elles sont assez remarquables pour démentir ceux qui disent qu'à la fièvre quarte & à la goutte les Medecins ne voient goutte: & faire voir que ceste regle n'est pas sans exception. Il est vray que le nombre est trop grand de ceux à qui ces guerilons sont impossibles: mais i'ay prouué en ma Physique démonstratiue, que mes remedes



101

102

103

ne trouuent ny l'vne ny l'autre incurables. En voicy de nouveaux témoignages pour la fièvre quarte, de laquelle j'ay guery au plus fort de l'Hyuer, le Reuerend Pere Gouffancour l'vn des anciens Celestins, aagé de 72. ans & bien que sa fièvre fust tres rigoureuse; il a esté guery au bout des huit iours qu'il a vsé de mes remedes, & suiuy mon ordre.

Le sieur de Bois roux Gentilhomme de Guyéne aagé de 40. ans, a esté deliuré de la mesme fièvre depuis peu, apres l'auoir gardé l'espace de dix mois. Côme aussi le sieur de S. Martin proche parent du susnommé, ayāt enuiron 32. ans, il en estoit affligé depuis vn an, sans auoir peu trouuer aucun soulagement dans la methode ordinaire: mais par le moyen de la mienne, il

recouura sa parfaite santé huit ou dix iours apres que i'eus entrepris de le traiter.

Le sieur de Noblin Gentilhomme Lyonnois, qui pouuoit auoir enuiron 28 ans estant fort affligé de la fièvre tierce, fut guerry par vne seule prise de mon colaguogue. Son cadet fut aussi deliuré de la mesme fièvre avec deux prises de ce remede. Deux siens cousins furent gueris de la fièvre quotidienne, avec l'ordre & les remedes cy deuant escripts.

Le sieur Iacques Valier aagé de 35 ans, demeurant aupres l'Arse-nac, fut attaqué d'une Erisipelle, qui tenoit depuis le milieu du bras iusques à l'extremité des doigts, avec grande enflure, douleur & inflammation; c'est pourquoy il fut traité assez long temps par les

Medecins, qui le firent saigner sept ou huit fois, appliquerent plusieurs & diuers remedes sur la partie, notamment l'occicrat, c'est à dire l'eau & le vinaigre astringent, qui enferme les humeurs, en resserant les pores de telle forte que la main luy deuint engourdie, & sans aucun mouuement aux doigts, mesme les Medecins s'apperçurent de quelque noirceur aux extremittez, ce qui estoit vn commencement de gangrene, dont ils demurerent si confus & si estonnez, que le malade avec les assistans l'ayant recogneu, prirent resolution de le mettre entre mes mains, comme ils firent le Vendredy au soir, & il fut entierement guery le Dimanche à midy, ainsi que i'auois promis sur l'assurance que i'auois en l'operation de mes

remedes, & l'impuissance de celuy
ou ceux qu'on luy auoit appliquez
auparauant : Le mien est pour ou-
urir les pores, & l'autre les resserre
par trop, d'où s'ensuit plus de mal
que de bien, parce que les humeurs
superfluës qui sont dans le ventre,
se peuuent & se doiuent éuacuër
par leurs émonctoires, c'est à dire
par les selles, quand le cerueau se
trouue chargé de quelques super-
fluitez, il se purge par la bouche,
par le nez, &c. les reins par la ves-
sie: Mais lors que les humeurs sont
engagees ou enfermées dans les
les bras, aux jambes, & aux autres
parties esloignées, elles n'ont au-
tre endroit pour leur expulsion
que les pores, c'est à dire, les petites
ouuertures imperceptibles qui
sont par toute la peau: Tellement
que mon remede ayant ouuert ce

passage, & rarifié les humeurs qui faisoient le mal & le desordre, la nature fit aisément toute l'éuacuation necessaire, d'où s'ensuiuit la parfaite guerison, laquelle se peut verifier par le recit de soixante personnes dignes de foy, & sans reproche.

Monfieur de Noirmon aagé de 38. ans ou enuiron, vn des plus accomplis Gentils-hommes de la France, ayât souffert les plus cruelles & vehementes douleurs de colique nephretique & bilieuse l'espace de sept ou huit iours, non-obstant plusieurs saignées, bains, lauements, & beaucoup d'autres remedes: enfin estant suruenue vne inflammation de reins avec fièvre, & ces Medecins ne sçachant plus qu'y faire, ie fus appellé pour le voir, & luy donnay vn remede

catartique & diuretique, c'eſt à dire, qu'il purge par les ſelles & par les vrines, avec vne telle perfection que tout fut guery en l'eſpace de trois heures. Il fit cinq ou ſix ſelles tres abondantes, & toutes de différentes couleurs & conſiſtance, l'une verte, l'autre noire, & puis jaune, mais toutes extrêmement viſqueuſes, & les vrines ſi eſpoiffes que l'on ne le ſçauroit croire à moins que de les auoir veuës. Ce fut le 28. Avril dernier que ceſte belle & tres-loüable cure fut admirée par cinquante perſonnes de grande qualité: Et ce qui eſt à remarquer, c'eſt qu'il ne s'en eſt point ſenty depuis, & ſe porte encore auſſi bien qu'il ait faiët de ſa vie. l'aduouë que ceſte guerison ne m'a pas moins donné de contentement que d'honneur, ayant

obligé vne personne de si haut merite.

Que deuous nous dire des remedes qui ont guery le sieur Godfroy aagé de 55. ans ou enuiron, demeurant pres l' Arsenac, on luy auoit tiré 40. palettes de sang pour vne pleuresie qu'il n'auoit point, mais la fièvre continuë, avec vne si extrême quantité d'humeurs, & si grande oppression, qu'il ne pouuoit plus respirer, l'acrimonie desquelles produisoit vn hocquet si violent qu'il se faisoit entendre de fort loin, & cela accôpagné d'un mouuement conuulsif aux parties internes, de sorte que tout le monde en estoit estonné; c'est pourquoy il fut abandonné de tous les Medecins, & en ceste extrémité ie fus prié de le voir enuiron la my-May de l'année derniere, apres

qu'il eut receu l'extrême onction,
& que ſelon le prognostic ordina-
re il deuoit mourir deux ou trois
heures apres ; neantmoins ie luy
donnay vn remede purgatif ſi par-
fait en ſon opération, & tellement
innocent pour la foibleſſe du ma-
lade, qu'il luy donna vn tres nota-
ble amendement, lequel eſtant
reitéré autant de fois qu'il eſtoit
neceſſaire, ſelon la cauſe du mal &
la grande debilité du patient, le
guerit en l'eſpace de dix iours, & ſe
porte encore auſſi bien qu'hom-
me de ſon aage: il y a pour le moins
cent perſonnes dignes de foy qui
peuent & doiuent rendre tes-
moignage de ceſte verité.

Ie penſerois faire tort à la ve-
rité & à l'excellence de mes reme-
des, ſi ie ne publiois l'effect le plus
rare & prodigieux que i'aye iamais

veu: & mesme si ie n'estois asseuré d'auoir des tesmoins irreprochables, ie craindrois que cette merueille ne trouuast que des incredules: mais i'offre de prouuer celle-cy comme toutes les autres.

Madame de Brine aagée de 32. ans ou enuiron, estant accouchée, & griefuement affligée de fièvre continuë, fist appeller quelques Medecins qui la firent saigner plusieurs fois, mais voyant que la fièvre augmentoit, & que la resuerie estoit suruenüe avec beaucoup d'autres accidents qu'ils appellerent tous mortels, aduertirent le mary qu'ils ne la pouuoient iamais guerir: & de fait, l'ayât abandonnée, ie fus prié de la voir, aussi tost que ie l'eus considerée, ie recogneus quelle auoit quelque mauuais reste dans la matrice qui se

corrompoit, ainſi que l'odeur cadauereuſe le faiſoit paroître, & la contenance du poulx, ie proteſtay au mary qu'vn ſeul de mes remedes la pouuoit tirer du peril où elle eſtoit (avec l'ayde de Dieu) ie ne luy baillerois rien ſans auoir le certificat des Medecins qui l'auoient condamnée, & ayant receu toute l'aſſurance que ie demandois, ie luy fis prendre vne de mes pilules, laquelle opera ſi heureuſement que deux heures apres elle demâda vn pot de chambre qu'elle remplit par trois fois d'apostume la plus infecte & puante que l'on ſçauroit imaginer: de ſorte que l'on ne pouuoit demeurer dans la chambre, il falut ouurir les portes & les fenêſtres: tât ceſte charogne eſtoit inſupportable; Mais ce qui eſt digne d'eſtre

remarqué, & qui est tres merueilleux; C'est qu'elle rendit parmy toutes ces ordures vn morceau d'arriere-faix aussi grand qu'un des fucillets de ce liure, ce qui doit faire iuger de la puissance du remede: car l'on peut bien cognoistre que la saignée ne pouuoit faire sortir ceste pourriture, mais plustost l'arrester: & qu'une Medecine commune ny vn lauement n'estoient pas capables de desraciner ou éuacuer, & par consequent d'empescher la gangrenne & la mort. Aussi tost qu'elle eut vuidé toutes ces infections, elle se trouua dans vn si grand repos, qu'elle ne sentoit plus aucune de ses violentes douleurs qui l'auoient empeschée de manger & dormir depuis trois semaines, la fièvre la quitta: bref, en la place de ces cruels tourments,

elle reprit vne santé entiere & parfaite, où elle est encore pour rendre ce tesmoignage à la vérité.

Au reste, ie dois estre excusable, si ie ne donne mes secrets au public, parce que les ignorants en pourroient abuser, & les Medecins diroient les sçauoir auant que ie fusse au monde; c'est pourquoy ie reserue vn autre lieu où ie les mettray en termes qui seront seulement cogneus aux sçauans Chymiques.

F I N.